



NAALAKKERSUISUT
GOVERNMENT OF GREENLAND



2020-mi TAC pisassiissutillu pillugit Inatsisartunut nalunaarut



NASSUIAAT

2020-mi TAC pisassiissutillu pillugit Inatsisartunut nalunaarut

Oktobarimi 2021

Aalisarnermut Piniarnermullu Naalakkersuisoqarfik

Imaneq 1A 701

Postboks 269

3900 Nuuk

Oqarasuaat: (+299) 34 50 00

Telefax (+299) 34 63 55

E-maili: apn@nanoq.gl

Nittartagaq: www.apn.gl



SIULEQUT

Naalakkersuisut sinnerlugit matumuuna 2020-mi aalisarnermi TAC aamma pisassiissutit pillugit Inatsisartunut nalunaarut saqqummiuppara. Inatsisartunit piginnaatinneqarneq tunngavigalugu aalisarnermi TAC aamma pisassiissutit taakkunungalu atatillugu pisassiissutit qanoq agguataarnissaat ukiut tamaasa Naalakkersuisunit aalajangersarneqartarput. Nassuiaammi pisassiissutit ataasiakkaat qanoq pilertarnerannut tunuliaqutaasut, kiisalu tamatuma kingorna Kalaallit Nunaata nunallu Kalaallit Nunaata aalisarnissamik isumaqatigiissuteqarfigisaannut qanoq agguaanneqartarnersut pillugit nassuiaatit ilanngunneqassapput.

Nalunaarummi 2020-mi TAC pisassiissutillu allaaserineqarput, taakkunungalu ilanngullugit ukiup ingerlanerani allannguutaasimasinnaasut.

Paasiuminartitsinerunissaq innuttaasunullu pitsaanerusumik paasissutissiinissaq Naalakkersuisut kissaatigaat, taamaammallu Inatsisartut ataatsimeereernerisa kingorna nalunaarut Naalakkersuisut.gl-imi tamanut saqqummiunneqarumaarpoq. 2015-imut, 2016-imut, 2017-imut, 2018-imut 2019-imullu nassuiaatit nittartakkamut ikkunneqareerput.



Aqqaluaq B. Egede

Aalisarnermut Piniarnermullu Naalakkersuisoq

Nuuk, oktobarimi 2021



IMARISAI

NASSUIAAT	1
Siulequt	2
Takussutissiat pillugit nalunaarsuutit	5
Naalisaanernik nassuiaatit	6
1. Tunuliaqut siunertarlu	7
2. Aallaqqaasiut	7
2.1 Nunanut allanut tunisat nalingi	8
2.1.1 Raajat	9
2.1.2 Qalerallit	9
2.1.3 Saarullit	9
3. Aalisakkat pingaarnertut aningaasarsiutigineqartut	9
3.1 Raajat	9
3.1.1 Kallaalit Nunaata Kitaani	10
3.1.2 Avataasiorluni aamma sinerissap qanittuani raajarniarneq	10
3.1.2 Kallaallit Nunaata kangia	10
3.1.4 Nunat tamalaat	11
3.2 Qalerallit	13
3.2.1 Kallaallit nunaata Kitaani (avataasiortut)	13
3.2.2 Kallaallit Nunaata kangiani (avataaniittut)	14
3.2.3 Kitaani (Sinerissap qanittuani)	14
3.3 Saarullit	15
3.3.1 Avataaniittut	15
3.3.2 Sinerissap qanittuani	16
4. Artit allat - avataaniittut	16
4.1 Tupissutit (Imminnguit)	16
4.2 Suluppaakkat	17
4.2.1 Kallaallit Nunaata kitaani	17
4.2.2 Irmingerip imartaani	17
4.2.3 Kallaallit Nunaata kangiani aamma Islandimi (pisassat akuleriissitat)	18
4.3 Nataarnat	18
4.4 Qeeqqat	19
4.5 Ammassat	19
Kitaani	19
Kangiani	19



4.6 Saarullernat (Blåhvilling)	20
4.7 Norskit ammassassui upernaakkut suffisartut (atlanto-skandisk)	20
4.8 Avaleraasartuut	21
4.9 Tinguttuut.....	21
4.10 Eqalugaasat (polartorsk aamma istorsk).....	22
5. Artit allat - sinerissap qanittuani.....	22
5.1 Saattuat	22
5.2 Uiluiit	23
5.3 Kapisillit	23
5.4 Nipisat, arnarluit.....	24
6. Misileraalluni aalisarneq.....	25
6.1 Ammassat aalisakkallu ikerinnarsiortut allat (ammassassuit, eqalugaasat putooruttullu).....	25
6.2 Guldlaksit.....	26
6.3 Amikut	26
6.4 Inalugallit.....	26
6.5 Saarullit, qalerallit, nataarnat, tinguttuut, saarullernat ilaat lange, qeeqqat aamma sinerissap qanittuani eqallut	26
6.6 Kalaallit Nunaata avannaata kangiani akuleriinnik aalisarnerit.....	27
7. Illugilluni isumaqatigiissutit	27
7.1 EU	27
7.2 Savalimmiut.....	28
7.3 Norge.....	29
7.4 Rusland	30
7.5 Island	31
Ilannugussaq 1: Avataasiorluni aalisarneq pillugu siunnersuineq aamma TAC 2020	33
Ilannugussaq 2: Sinerissap qanittuani aalisarneq pillugu siunnersuineq aamma TAC 2020	35
Ilannugussaq 3: 2020-mi nunat tamalaat aalisarnerat pillugu takussutissiaq.....	36



TAKUSSUTISSIAT PILLUGIT NALUNAARSUUTIT

Takussutissiaq 1: 2019-mi Aalisarnek pillugu Siunnersuisoqatigiinni aalajangersimasumik ilaasortat* aamma aalajangeeqataasinnaanatik ataatsimeeqataasartut

Takussutissiaq 2: Kitaani raajarniarnermi TAC aamma ilisimatuussutsikkut siunnersuineq 2015-2019 (tonsit)

Takussutissiaq 3: Kalaallit Nunaata kangiani raajarniarnermi TAC aamma ilisimatuussutsikkut siunnersuineq 2015- 2019 (tonsit)

Takussutissiaq 4: Ikersuarmi Davisimi aamma Avannaata Imaani avataasiorluni qaleralinniarnermi TAC aamma ilisimatuussutsikkut siunnersuineq 2015-2019 (tonsit)

Takussutissiaq 5: Kalaallit Nunaata kangiani avataasiorluni qaleralinniarnermi TAC aamma ilisimatuussutsikkut siunnersuineq 2015-2019 (tonsit)

Takussutissiaq 6: Kitaani pisassiissuteqarfiusunut agguataarilluni sinerissap qanittuani qaleralinniarnermi TAC aamma ilisimatuussutsikkut siunnersuineq 2015-2019 (tonsit)

Takussutissiaq 7: Kalaallit Nunaata kangiani aamma kitaani avataasiorluni saarullinniarnermi TAC aamma ilisimatuussutsikkut siunnersuineq 2015-2019 (tonsit)

Takussutissiaq 8: Kitaani sinerissap qanittuani saarullinniarnermi TAC aamma ilisimatuussutsikkut siunnersuineq 2015-2019 (tonsit)

Takussutissiaq 9: Kalaallit Nunaata eqqaani EU-p aalisarnermik periarfissai 2016-2020 (tonsit)

Takussutissiaq 10: Savalimmiut eqqaanni 2019-mi Kalaallit Nunaannut pisassiissutit aamma Kalaallit Nunaata eqqaani Savalimmiunut pisassiissutit (tonsit)

Takussutissiaq 11: 2019-mi Kalaallit Nunaannut Norgep imartaani aamma Norgemut Kalaallit Nunaata imartaani pisassiissutit (tonsit)

Takussutissiaq 12: 2019-mi Kalaallit Nunaannut Ruslandip imartaani aamma Ruslandimut Kalaallit Nunaata imartaani pisassiissutit (tonsit)



NAALISAANERNIK NASSUIAATIT

ANNN	Aningaasaqarnermut Nunamullu Namminermet Naalakkersuisoqarfik
APN	Aalisarnermut Piniarnermullu Naalakkersuisoqarfik
ICES	International Council for the Exploration of the Sea – Nunani tamalaani Immamik Misissuisarnermut Siunnersuisoqatigiit
INNASPAN	Inuussutissarsiornermut, Niuernermet, Nunanut Allanut Silallu Pissusaata Allanngoriartorneranut Naalakkersuisoqarfik
GE / Sulisitsisut	Sulisitsisut
KANUAANA	Kalaallit Nunaanni Aalisarsinnaanermut Akuersissutinik Nakkutilliisoqarfik
Pinngortitaleriffik	Kalaallit Nunaanni Pinngortitaleriffik
KNAPK	Kalaallit Nunaanni Aalisartut Piniartullu Kattuffiat*
NAFO	Atlantikup Avannaani Aalisarnermut Suleqatigiiffik (North Atlantic Fisheries Organization)
NASCO	Atlantikup Avannaani Kapisilinnik Piujuartitsinermet Suleqatigiiffik (North Atlantic Salmon Conservation Organization)
NIPNAN	Nunalerinermet, Imminut Pilersornermet, Nukissiuutinut Avatangiisinullu Naalakkersuisoqarfik
NUSUKA	Nunaqavissut Suliffiutillit Kattuffiat
TAC	Total Allowable Catch – Pizarreqarsinnaasut amerlanerpaaffiat
SFG	Sustainable Fisheries Greenland
SIK	Sulinermik Inuussutissarsiuteqartut Kattuffiat
SQAPK	Sinerissap Qanittuani Aalisartut Piniartullu Kattuffiat



1. TUNULIAQUT SIUNERTARLU

Inatsisartut inatsisaanni nr. 18, 31. oktober 1996-imeersumi § 5, imm. 1 aamma 2 naapertorlugit matumuuna saqqummiunneqarpoq Kalaallit Nunaata aalisarnermut oqartussaaffigisaani aalisagaqatigiiaat pillugit 2020-mut TAC pisassiissutillu pillugit Inatsisartunut nalunaarut. TAC-mik pisassiissutinillu aalajangiinnermut tunngavittut nalunaarusiaq aalisakkanut assigiinngitsunut pisassiissutigineqartartunut ilisimatuussutsikkut siunnersuinernek imaqaqportaaq.

2. AALLAQQAASIUT

Ilisimatuussutsikkut siunnersuinerit isumaliutissiissutit tunngavigalugit Kalaallit Nunaata aalisarnermut oqartussaaffiani aalisagaqatigiinnut assigiinngitsunut arlalinnut TAC ukiut tamaasa Naalakkersuisunit aalajangersarneqartarpoq. TAC-p aalajangersarneqannginnerani Aalisarneq pillugu inatsimmi § 32, imm. 3 naapertorlugu Naalakkersuisut Aalisarneq pillugu Siunnersuisoqatigiit (Takussutissiaq 1) siunnersiortarpaat.

TAKUSSUTISSIAQ 1: 2020-IMI AALISARNEQ PILLUGU SIUNNERSUISOQATIGIINNI AALAJANGERSIMASUMIK ILAASORTAT* AAMMA AALAJANGEEQATAASINNAANATIK ATAATSIMEEQATAASARTUT (TUSARFIK: APN)

Ingerlatsisut	Naalisarnera
Sulisitsisut	GE / Sulisitsisut
Kalaallit Nunaanni Aalisartut Piniartullu Kattuffiat*	KNAPK
Sulinermik Inuussutissarsiuteqartut Kattuffiat	SIK
Nunaqavissut Suliffiutillit Kattuffiat	NUSUKA
Sinerissap Qanittuani Aalisartut Piniartullu Kattuffiat	SQAPK
Aalisarnermut Piniarnermullu Naalakkersuisoqarfik	APN
Kalaallit Nunaanni Pinngortitaleriffik	Pinngortitaleriffik
Kalaallit Nunaanni Aalisarsinnaanermut Akuersissutinik Nakkutilliisoqarfik	KANUAANA
Inuussutissarsiornermut, Niuernermut, Nunanut Allanut Silallu Pissusaata Allangoriartorneranut Naalakkersuisoqarfik	INNASPAN
Nunalerinnermut, Imminut Pilersornermut, Nukissiuutinut Avatangiisinullu Naalakkersuisoqarfik	NIPNAN
Aningaasaqarnermut Nunamullu Namminermet Naalakkersuisoqarfik	ANNN
Sustainable Fisheries Greenland	SFG

Kalaallit Nunaata aningaasarsiorfiginerpaartaata aqunneqarnerani uumassuseqarnikkut, aningaasarsiornikkuk inuiaqatigiinnullu atatillugu mianerisassat isiginiarneqarnissaannut Kalaallit Nunaanni TAC-p aalajangersarneqarneranut atatillugu suleqataasorpasut akuutinneqartut isumannaareqataassapput.

Ilisimatuussutsikkut siunnersuinerimi uumasoqatigiinnik naliliisarnerit nunani tamalaani imaani ilisimatusarnermut suleqatigiiffiit ICES aamma NAFO suleqatigalugit Pinngortitaleriffimmit suliarineqartarput. Siunnersuinerimi



paasissutissanik paasisaqarfiit assigiinngitsut tunngavigineqartarput, ilaatigullu pineqarput ilisimatuussutsikkut misissuinernit paasisat aamma aningaasarsiutigalugu aalisarnernit paasisat katersorneqarnikuusut.

Uumasogatigiinnut aalajangersimasunut TAC aalajangersarneqareeraangat, tamanna pillugu Kalaallit Nunaata illugiilluni peqatigisaannut (EU-mut, Ruslandimut, Canadamut, Islandimut, Norgemut Savalimmiunullu) isumaqatigiissutit naapertorlugit TAC-p ilaanik tunniussisoqartarpoq. TAC-p sinnera ileqqusutut aqutsiveqarfiit imaluunniit sinerissap qanittuani avataaniluunniit angallatit immikkoortut akornanni agguataarneqartarput. Angallatinut immikkoortunut avataasiortunut pisassiissutit qinnuteqareernikkut ingerlatsisunut assigiinngitsunut agguanneqartarput. Sinerissap qanittuani angallatinut immikkoortunut paggatassiissutit pisassiissutit nungunnissaasa tungaanut aalisarneqartarput, tamatumanilu sinerissap qanittuanut pisassiissutit akuersissutaatilinnit tamanit pisassiissutit nungunnissaasa tungaanut atorneqarsinnaasarpur. Aalisarnerit ilai, raajarniarneq kiisalu sumiiffimmi 47-mi sinerissap qanittuani qalerallinniarneq pisassiissutit nammineq pigisat niuerutigineqarsinnaasullu (IOK) tunngavigalugit malittarisassaqtinneqarput. Tamatumani aalisarnermi peqataasinnaanissamut pisassiissutit ilaannik pigisaqartoqassaaq, pisassiissutillu ilai tunniunneqartut naapertorlugit ukiumut pisassiissutit tunniussisoqartassalluni.


2.1 NUNANUT ALLANUT TUNISAT NALINGI.

Kalaallit Nunaannit nunanut allanut tunisaasartut tassaanerupput aalisakkanit qaleruallinnillu tunisassiat. Raajat, qalerallit aamma saarullit tassaapput nunanut allanut tuniniaasarnermi pingaarnarpaat pingasut. Immikkoortuni kingulianiittuni artit pingasuusut taakku nunanut allanut tuniniarneqartarneranni nalingi nassuiaatigineqassapput. Nunanut allanut tuniniaaneq Danmark imaluunniit Island akunniffigalugit pingaarnermik ingerlanneqartarpoq, tunisassiarpassuillu nunanit taakkunanit nunanut allanut tuniniaqqinneqartarput.

Kalaallit Nunaata nunanut allanut tuniniaanerata ataatsimut nalingat 2020-mi 4.983 mio. kr.-iupput. Taakkunanit aalisakkanit tunisassianik nunanut allanut tuniniaaneq ataatsimut 4.862 mio. kr.-nik naleqarpoq, ataatsimullu nunanut allanut tuniniaasarnep tamanna 98 %-eraa.

Aalisakkat assigiinngitsut aningaasarsiornermi pingaarnarpaat suli tassaapput raajat, qalerallit aamma saarullit, taakkulu ataatsimut 4.232 mio. kr.-nik naleqarput, ataatsimullu nunanut allanut tunisaqarnerup tamanna 85 %-eraa.

ASSILIAQ 1: 2019-IMI NUNANUT ALLANUT TUNINIAASARNERUP NALINGA ARTINUT AGGUATAARLUGU
(Paasisaqarfik: APNN)





2.1.1 RAAJAT

Nunanut allanut tuniniaasernerup naatsorsorneqarnerani raajat immikkoortunut marlunnut avinneqartarput; tassaasut raajat qaleruallit kiisalu raajat qalipaajakkat.

Raajat qaleruallit 2020-mi nunanut allanut tuniniarneqartut ataatsimut 1.355 mio. kr.-nik naleqarput, ataatsimullu nunanut allanut tunisaqarnerup tamanna 27 %-raa.

Raajat qalipaajakkat 2020-mi nunanut allanut tuniniarneqartut ataatsimut 1.018 mio kr.-nik naleqarput, ataatsimullu nunanut allanut tuninisaqarnerup tamanna 20 %-raa.

Taamaallilluni 2020-imi raajanik tuniniaaneq nunanut allanut ataatsimut tuniniaanerup 48 %-raa, assiliamilu siulianiittumi takuneqarsinnaasutut Kalaallit Nunaata nunanut allanut tuniniaanerani taakku tunisassiaapput pingaarnepaat. Ataatsimut isigigaanni 2020-imi raajanik nunanut allanut tuniniaaneq katillugu 2.374 mio. kr.-nik naleqarpoq. 2020-mi katillugit raajat 69.152 tonsit nunanut allanut tunisaapput.

2.1.2 QALERALLIT

Nunanut allanut tuniniaanerup nalinga uuttuutigigaanni, qaleralik tassaavoq aalisakkani aningaasarsiutigineqartut pingaarnepaat tulliat. 2020-milu qaleralinnik nunanut allanut tuniniaaneq ataatsimut 1.438 mio. kr.-nik naleqarpoq. 2020-mi qalerallit katillugit 39.125 tonsit nunanut allanut tuniniarneqarput.

2020-mi qalerallit Kalaallit Nunaata nunanut allanut ataatsimut tunisaanerat nunanut allanut ataatsimut tunisat 29 %-rai.

2.1.3 SAARULLIIT

Nunanut allanut tunisat nalinga uuttuutigigaanni, saarullik tassaavoq aalisakkani aningaasarsiutigineqartut pingaarnepaat pingajuat. 2020-mi saarullinnik nunanut allanut tuniniaaneq ataatsimut 420 mio. kr.-nik naleqarpoq, taakkulu 16.659 tonsiupput.

Saarullit nunanut allanut niuerutigineqarnerisa nalingat 2020-imi Kalaallit Nunaata nunanut allanut ataatsimut tunisaasa 8 %-erivaa.

3. AALISAKKAT PINGAARNERTUT ANINGAASARSIUTIGINEQARTUT

Immikkoortuni tulluuttuni ilisimatuussutsikkut siunnersuinerit, TAC-tut aalajangiunneqartoq aamma Kalaallit Nunaanni aalisakkanik pingaarnertut aningaasarsiutigineqartuni pisassiissutit agguataarneri sammeneqarput; tassaasut raajanut, qaleralinnut saarullinnullu tunngasut. Aalisakkt taakku Kalaallit Nunaannit ataatsimut tunineqartartut 85 %-rimmatigit taakku Kalaallit Nunaata aningaasarsiorneranut annertuumik sunniuteqarput. Taamaammat aalisakkt taakku pingasut nassuiaammi sukumiisumik erseqqissaatigineqarput..

3.1 RAAJAT

Raajaqatigiiat pillugit ilisimatuussutsikkut siunnersuinerimik kiisalu pisassat annertussusissaannik inassuteqarnissamik NAFO isumaginnittusarpoq. Siunnersuinerimik takusassialugit naatsorsuinerit tunngavigineqartarput, pisassallu ataatsimut amerlassusilerneqarneranni ilisimatuussutsikkut illersorneqarsinnaasumik raajaqatigiiat ikileriarnissaannut ilimanaatit aarleqquteqarsinnaaneq naatsorsorneqartarpoq.



2013-imi Kalaallit Nunaata kitaani raajarniarneq MSC-mik nalunaaqutsersorneqalerpoq.

3.1.1 KALLAALIT NUNAATA KITAANI

Kitaani raajarniarnermi aqutsinissamik pilersaarummi innersuussutigineqarpoq, TAC-mik aalajangiinermi ilisimatuussutsikkut siunnersuineq malinneqassasoq, kisiannili ukiumoortumik nikerarnerit pissutsini immikkorluinnaq ittuni 12,5 %-imit annertunerusinnaasut. Peqatigisaanik ilisimatuussutsikkut siunnersuinermit iluarsisuteqartarneq ukiut pingasut sinnersimassangilai.

TAKUSSUTISSIAQ 2: KITAANI RAAJARNIARNERMI PIFFISSAMI 2016-2020-IMI TAC AAMMA ILISIMATUUSSUTSIKKUT SIUNNERSUINERIT (TONSINNGORLUGIT)

	2016	2017	2018	2019	2020
Siunnersuineq	90.000	90.000	105.000	105.000	110.000
TAC	85.000	90.000	101.250	105.000	110.000

Takussutissiami 2-mi takutinneqarpoq annikinnerusumik nikisitsisoqartaraluortoq TAC-p piffissami 2016-2020 ilisimatuussutsikkut siunnersuineq malissimagaa.

2016-imi 2017-imilu 90.000 tonsinik siunnersuinerup attatiinnareerneratigut, 2018-mi 2019-imilu siunnersuineq 15.000 tonsinik annertunerusussanngorlugu 105.000 tonsinut nalilerneqarpoq, 2020-milu siunnersuineq sulii 5.000 tonsinik annertunerulersussanngorlugu 110.000 tonsinut nalilerneqarpoq. Tamanna aalisagaqatigiit pitsanngoriarsimaneramik pissuteqarunarpog.

2020-mut Kitaani raajat pillugit ilisimatuussutsikkut siunnersuineq naapertorlugu TAC 110.000 tonsinut aalajangiinneqassasoq Naalakkersuisut aalajangerpaat.

3.1.2 AVATAASIORLUNI AAMMA SINERISSAP QANITTUANI RAAJARNIARNEQ

Nunanut tamalaanut pisussaaffigisatta isumaqatigiissutittalu malitsigisaanik Kitaani ataatsimut raajartassiissutinit 110.000 tonsiusunit Canadamut aamma EU-mut aalajangersimasumik annertussusillit immikkoortinneqarput.

Nunani tamalaani peqatigisatsinnut raajanik pisassiissutinik tunniussereernermi raajaqatigiit ataatsimoorussat pillugit aqutsinissamik pisussaaffiit kiisalu isumaqatigiinniarnermit isumaqatigiissutit pissutigalugit, 2020-mi annertussutit sinneruttut 105.582 tonsiupput. Aalisarneq pillugu inatsimmi § 5, imm. 3-mi agguaasseriaaseq inatsisitigut aalajangersagaq naapertorlugu 43 %-ii sinerissap qanittuani aalisariutinut immikkoortunut 57 %-iilu avataasiortuni aalisariutinut immikkoortunut agguanneqassapput. Avataasiortuni aamma sinerissap qanittuani aalisartunut pisassiissutinik taamatut agguaasseriaaseq 2002-miilli atuutilerpoq.

2020-mi Kitaani ataatsimut TAC-mit 110.000 tonsinut taamaalilluni angallatinut avataasiortunut 60.182 tonsit tunniunneqarput, sinerissallu qanittuani angallatinut 45.400 tonsit tunniunneqarput.

3.1.2 KALAALLIT NUNAATA KANGIA

Kalaallit Nunaata kangiani raajarniarnermi maannakkorpiaq aqutsinissamik pilersaaruteqanngilaq, aalisarnerlu MSC-mit uppersaaserneqartarani. NAFO-mit siunnersuineq saqqummiunneqartarpoq, taamaattorli ukiuni kingullerni TAC siunnersuinermit naleqqussarneqarnikuunngilaq.



Ukiup siulianisuulli Kalaallit Nunaata kangiani 2020-mi raajat pillugit ilisimatuussutsikkut siunnersuinermi 2.000 tonsit annertunerpaamik aalisarneqassasut inassutigineqarpoq. Tamatumani tunuliaqutaasoq tassaavoq, Kalaallit Nunaata kangiani aalisarneq naak ilaannakorluinnartumik ingerlanneqarsimagaluartoq annikitsuinnarmillu atuisoqarluni, taava raajaqassuseq annikitsuinnaasimavoq. Kiisalu ukiuni arlaqartuni misissuinerit aqutugalugit paasisutissanik kater-sisoqarsimanngilaq, tamatumalu kinguneraa siunnersuinermi mianersortumik tunngaveqarnerup attatiinnarneqarsimanera.

TAKUSSUTISSIAQ 3: KALAALLIT NUNAATA KANGIANI RAAJARNIARNERMI PIFFISSAMI 2016-2020-MI TAC AAMMA ILISIMATUUSSUTSIKKUT SIUNNERSUINERIT (TONSINNGORLUGIT)

	2016	2017	2018	2019	2020
Siunnersuineq	2.000	2.000	2.000	2.000	2.000
TAC	5.300	5.000	4.300	4.000	4.750

2013-miit 2014-mut siunnersuineq malunnaatilimmik kinguaniarpoq. Kalaallit Nunaata nunat tamalaat eqqarsaatigalugit pisussaaffii tamatumalu kingorna aningaasatigut kingunerisassat eqqarsaatigalugit, Kalaallit Nunaat pillugu TAC-p siunnersuinermit naleqqussarnissaa ingerlaannaq periarfissaqarnikuunngilaq. Taamaammat annikilluartuutimik naleqqussaaneq 2014-mi aallartinneqarpoq, alloriarnikkaartumillu annikillisisoqarpoq 2014-mi 8.300 tonsiniit 2019-mi 4.000 tonsinut. 2020-mi pisassiissutit 4.750 tonsiussasut Naalakkersuisut aalajangerpaat, 2020-milu pisassiissutit qaffanneqarput, ilaatigut EU-mut pisassiissutit qaffariarnissaannut isumaqatigiissutigineqartoq eqqarsaatigalugu.

EU-lu Aalisarnermik peqatigiinnermut isumaqatigiissut naapertorlugu ilassutit isumaqatigiissutip atuuffiata nalaani 2016-2020, Kalaallit Nunaata kangiani raajat 5.100 tonsit ukiumut EU-mut neqeroortigissallugit Kalaallit Nunaata pisussaaffigilernikuuaa, taamaattorli ilisimatuussutsikkut siunnersuinerit qaqugukkulluunniit atuuttut mianerineqartariaqarlutik. Tamatumala malitsigisaanik siunnersuinerup appariaartornerani EU-llu appariaartuutitsinissamik kissaatqarnerani, Ataatsimoorussamik Komitep ataatsimiinnerani (Joint Committee Meeting / JCM) aalajangerneqarpoq, EU-mut pisassiissutit 2018-mi 2019-milu 3.750 tonsiussasut, 2020-mili tamanna qaffanneqarpoq 4.400 tonsinngortillugu.

3.1.4 NUNAT TAMALAAT

Nunani tamalaani peqatigisanut raajartassiissutinik tunniussisarneq

Nunanut tamalaanut pisussaaffigisatta isumaqatigiissutitalu malitsigisaanik Kalaallit Nunaata Kitaani ataatsimut raajartassiissutinik 110.000 tonsiusunit Canadamut aamma EU-mut aalajangersimasumik annertussusillit immikkoortinneqarput.

Raajaqatigiit Kalaallit Nunaannit aamma Canadamit avinneqarnikuupput. Canadap Kalaallit Nunaatalu akornanni isumalluutinik aqutsinissamik illugiilluni isumaqatigiissuteqanngimmat, raajaqatigiit ilaasa Canadamut imartaaniittut missingernerat tunngavigalugu pisassiissutit ilaannik ukiut tamaasa Kalaallit Nunaannit Canadamut tunniussisoqartarpoq. Tamatumani isumalluutinik ataatsimut atuinissap NAFO-mit ilisimatuussutsikkut siunnersuinermit naleqqutinngitsumik sanioqqunneqannginnissaa isumannaarniarneqarpoq. MSC-mit uppersaasiisarnerup attatiinnarnissaanut Canadamik arlaatigut isumaqatigiissuteqarnissaaq piffissap ingerlanerani piumasaqaataavoq. Canadamut pisassiissutinik naatsorsueriaatsimut Kalaallit Nunaannit atorneqartartumi raajaqatigiit annertussusiannik oqaluttuarisaanermilu pisaasartunut uuttueriaatsit tunngavigineqartarput. 2020-imi raajat 1.617 tonsit Kalaallit Nunaannit Canadamut tunniunneqarput.

EU-mik aalisarnermut isumaqatigiissut naapertorlugu 2020-mi Kitaani raajaqatigiit pillugit TAC-mik aalajangerneqartunit 2.800 tonsit kiisalu Kalaallit Nunaata kangiani raajaqatigiinnit 4.400 tonsit tunniunneqarput.



Flemish Capip eqqaani raajat (NAFO-mi sumiiffik 3M)

Flemish Capimi raajarniarneq (NAFO-mi sumiiffiliineri 3M-imi) nunat tamalaat imartaanni ingerlanneqartarpoq, aalisarnerlu NAFO aqutugalugu malittarisassaqtartinneqarluni. Aalisarsinnaatitaaneq ullunut aalisarfinnut naatsor-sorneqartarpoq.

Flemish Capimi) raajarniarneq 2011-mi matuneqarpoq, 2010-mi NAFO-p ukiumoortumik ataatsimiinnerani ilisimatuussutsikkut siunnersuinerit naapertorlugit inerteqquteqarallarnissaq aalajangerneqarmat, raajaqatigiimmi piujuartitsineq tunngavigalugu atuinissamut killigitaq B_{lim} ataallugu ikileriarsimmata.

2019-imi NAFO-p ukiumoortumik ataatsimiinnerani ilisimatuussutikkut siunnersuineq tunngavigalugu Flemish Capimi raajarniarneq ammaqinneqarpoq. Ukiumoortumik ataatsimiinnermi isumaqatigiissut naapertorlugu Kalaallit Nunaat 2020-mi ullunik aalisarfiusunik 129-nik tunineqarpoq.

Grand Banksip eqqaani raajat (NAFO-mi sumiiffik 3L)

New Foundlandip avataani Grand Bank-imi (NAFO-mi sumiiffik 3L-imi) raajaqatigiit amerlanersaat Canadap aalisarnermik oqartussaaffigisaaniittuupput, kisiannili raajaqarfik mikinerusoq pingaaruteqartoq nunat tamalaat imartaaniilluni. Canadap NAFO-llu 1999-imi isumaqatigiissutaat naapertorlugu Canadap sumiiffimmi tassani raajat pillugit TAC-ip tamarmiusup 5/6-ia pissavaa, nunanimi tamalaani sumiiffimmi 3L-imi raajaqatigiit Canadamiut raajaqatigiivnut ilaammata, Canadallu 200 s̆milinik killeqarfiata iluanniittuummata. Isumaqatigiissut naapertorlugu nunat akuusutut atsioqatigiissimasut allat pisassat sinneruttut akunnerminni naligiimmik agguaatissavaat.

Savalimmiormiut qangali aalisarneq aamma sumiiffimmi ilisimatuussutsikkut misissueqataasarnertik tunngavigalugu manna tikillugu TAC-iliunneqartartunit amerlanerusunik pissarsinissaminnut pisinnaatitaallutik isumaqarput. Taamaattumik DFG (Danmark Savalimmiut Kalaallit Nunaallu sinnerlugit) 2013-imiilli peqataallutik atsioqataasutut agguaasseriaatsimut naammagittaalliuteqartarpoq. Piffissap ingerlanerani peqassuseq annikilliertorsimavoq, taamaattumillu 2015-imiilli pisassiissutit 0 tonsinut inissinneqarnikuupput, taamaattumillu savalimmiormiunit piumasaaqat tunngaviliussatut taamaallaat pingaaruteqarpoq.

2014-imi NAFO-mi ukiumoortumik ataatsimiinnermi tamatumalu aalajangerneqarnerani, sumiiffiup matuneqar-nissaanut oqaasertaliinissaq isumaqatigiissutigineqarsinnaasimangilaq. Sumiiffiulli matuneqar-nissaanut taarsiullugu pisassat 0-nngortinneqassasut aalajangerneqarluni. Taamanili pissutsit taamaannikuupput, taamaammallu aamma 2020-imut pisassat 0 tonsiunissaat aalajangerneqarluni. Taamaasilluni sumiiffik suli raajarniarfigineqarnissaminut matoqqavoq.

Sumiiffik raajarniarfigissallugu ammaanneqassagaluarpat, Kalaallit Nunaata DFG-mut ilaasutut aalisarsinnaanermut qangatut pisinnaatitaaffini ingerlateqqinniarpa.

Svalbardip eqqaani raajat

1992-imi Norgemik aalisarnermik isumaqatigiissuteqarnermut atatillugu, Svalbardip eqqaani "aalisarnermut illersugaasoq" pillugu Norgemiut nalunaarutaata akuerineqarsinnaannginnera Kalaallit Nunaata erseqqissaatigaa. Svalbardip eqqaani aalisarneq malittarisassaqtartinniarlugu Norgemiunit illersugaasoq taanna atortussanngortippaat. Isumaqatigiissut saqqummermalli Norgelu illugiilluni isumaqatigiinniarnerit nalaani Kalaallit Nunaata inissisimanini ukiut tamaasa saqqummiuttarnikuuaa, tamannalu isumaqatigiissummut tapiliussamut allanneqartarpoq.

Svalbard-ip eqqaani raajarniarnermi norskit peqqussutaannut 1997-imeersunut atuuttunut (tassa Kalaallit Nunaata akuerinngisaannut) tunngatillugu Kalaallit Nunaat kilisaatit tallimat atorlugit ulluni aalisarfiusuni 450-ini raajarniarinnaavoq. 1980-ikkut aallartimmatali periarfissaq tamanna ukiuni arlaqaqisuni ator-neqarnikuunngilaq. Kalaallit Nunaata imartaani raajartassiissutinik ikililerisarnerit tunngavigalugit Svalbardip eqqaani ullut aalisarfissat

soqutigineqaleraluttuinnarsimapput, taamaattumillu 2013-imiilli kalaallit aalisariutai sumiiffimmi aalisaqqiler-nikuupput.

2020-mi Svalbardip eqqaani kaallit aalisariutaat ataaseq aalisarnikuuvoq.

3.2 QALERALLIT

3.2.1 KALLAALLIT NUNAATA KITAANI (AVATAASIORTUT)

Kitaani kalaallit avataani qaleralinniarnanni aqutsineq aqutsinissamik pilersaarut malillugu aqunneqarpoq, 2017-imilu aalisarnek MSC-mit uppersaaserneqartalermit ilisimatuussutsikkut siunnersuineq saqqummiunneqartoq malillugu TAC aalajangersarneqartalerluni.

Qaleraleqatigiit Davisip Ikersuaniittut Avannaatalu Imaaniittut ataatsimoorussamik qaleraleqatigiupput Kalaallit Nunaannit Canadamillu avinneqartartut. Qaleraleqatigiit ataatsimoorussat taakku pillugit aqutsinissamik illugiilluni suli isumaqatigiissuteqartoqanngilaq, taamaalilluni aamma qaleraleqatigiit pillugit pisortatigoortumik agguasseriaa-seqartoqarani. TAC-p ilisimatuussutsikkut siunnersuineq naapertorlugu aalajangersarneqartarnera illugiinnullu taak-kununnga naligiimmik avinneqartarnera ileqqunikuuvoq.

Siusinnerusukkat NAFO-mit ilisimatuussutsikkut siunnersuinerit immikkoortillugit tunniunneqartarsimagaluarput, pineqarpullu pisassiissuteqarfik SV (Davisip Ikersua) aamma pisassiissuteqarfik NV (Avannaata Imarta Baffin Bugt), kisiannili 2019-imili sumiiffinnut taakkununnga marlunnut ataatsimut siunnersuinerimik ataasiinnarmik tunnius-isoqartalernikuuvoq. Davisip Ikersuani qaleraleqatigiit aalaakkaassuusutut isigineqarput. Taamaattumik Davisip Ikersuanut aamma Avannaata Imartaanut (Baffin Bugt) 2020-mi ataatsimut siunnersuineq 36.370 tonsiuvoq, tamannalu 2019-imeersup assigaa. Naleqqersuussinermi 2017-imi 2018-imilu siunnersuinerit sumiiffinnut taakkununnga marluusunut katillugit 32.300 tonsiupput.

TAKUSSUTISSIAQ 4: DAVISIP IKERSUANI AAMMA AVANNAATA IMARTAANI AVATAANI QALERALINNIARNERMI PIFFISSAMI 2016-2020-IMI TAC AAMMA ILISIMATUUSSUTSIKKUT¹ SIUNNERSUINERIT (TONSINNGORLUGIT)

	2016	2017	2018	2019	2020
Davisip Ikersua (SV)					
Siunnersuineq	14.000	15.150	15.150	36.370	36.370
TAC	7.000	7.575	7.575	8.526	8.592
Avannaata Imartaani (NV)					
Siunnersuineq	16.000	17.150	17.150	36.370	36.370
TAC	8.000	8.575	8.575	8.592	9.592

Kalaallit Nunaata ataatsimut pissai 2020-mi 18.185 tonsiupput. Taamaalilluni Davisip Ikersuani pisassiissutinit kalaallit pissaat 8.592 tonsiupput, Avannaatalu Imartaani kalaallit pisassiissutinit pissaat 9.592 tonsiullutik.

Covid-19-imik nappaalanersuup ajortumik sunniutai pissutigalugit, kalaallit ingerlatsisui Davisip Ikersuani Avannaatalu Imartaani immikkut nikerartitsinissamut 2020-mi periarfissinneqarput, tamatumalu kingunerisaanik pisassiissutinit

¹ Davisip Ikersuanut siunnersuineq 2019-imeersuuvoq, sumiiffillu tamakkerlugit - t.i. Davisip Ikersuani aamma Avannaata Imartaani - atuuttuulluni.



annertussutsit aqutsiveqarfiit akornanni pisassiissutit ilaannik ukiup ingerlanerani nikerartitsinissamut periarfissinneqarput.

3.2.2 KALAALLIT NUNAATA KANGIANI (AVATAASIORTUT)

Kalaallit Nunaata kangiani qaleraleqatigiit Islandimit aamma Savalimmiunit ataatsimoorunneqarput, siusinnerusukkullu aalisarnerup annertunersaa Islandimiut oqartussaaffigisaani kilisannertut ingerlanneqartarpoq. Ukiunili kingulliunerusuni aalisarneq Kalaallit Nunaata imartaanut annertunerujartuinnartumik nuukkiartuaarnikuvoq.

Peqassutsimik missingiineq sumiiffillu taakkununga tunggassuteqartut 2012-mi nalilersoqqinneqarmatali ICES-imit ukiumoortumik siunnersuinerit 20.000 tonsit 25.000 tonsillu pallillugit annertussuseqarsimapput. Sumiiffinni Kalaallit Nunaata kangiani, Islandip aamma Savalimmiut akornanni qaleraleqatigiit pillugit 2020-imi siunnersuineq 21.360 tonsiuvoq.

Qaleraleqatigiit tamakkerlugit siunnersuisoqartarmat, qaleraleqarnerup allanngoriartornera eqqarsaatigalugu naalagaaffiit sineriallit akornanni aqutsinermut isumaqatigiissusiortoqassasoq 2012-mi ICES-imit inassutigineqarpoq. Isumaqatigiinniarnit iluatsiffsiffiunngitsut arlallit kingornatigut Island aamma Kalaallit Nunaat aalisarnermik annertunerpaamik ingerlatsisuusut 2012-mi Kalaallit Nunaata kangiani qaleraleqatigiit pillugit pisassanik aqutsineq agguataarinerlu pillugit illugiilluni isumaqatigiissusiorneq iluatsippaat. 2014-ip tungaanut TAC ilisimatuussutsikkut siunnersuinerit naleqqussarneqassasoq isumaqatigiissutip ilaatigut kinguneraa, tamatumalu kingorna piffissaq sivilunerusoq tunaartaralugu aqutsinermut pilersaarut atortussanngortinneqarpoq. Piffissaq sivilunerusoq tunaartaralugu aqutsinissamik isumaqatigiissut 2019-imi atorunnaarpoq, taamaneriillu illugiit nutaamik isumaqatigiissuteqarnissamut isumaqatigiinnialernikuupput. 2020-mut atatillugu isumaqatigiinniarnit naammassineqarnikuunngimmata, isumaqatigiissutit atuuttut ingerlatiinnartarneqarnissaannik illugiit isumaqatigiissuteqarput.

TAKUSSUTISSIAQ 5: KALAALLIT NUNAAT KANGIATA AVATAANI QALERALINNIARNERMI PIFFISSAMI 2016-2020-MI TAC AAMMA ILISIMATUUSSUTSIKKUT SIUNNERSUINERIT (TONSINNGORLUGIT)

	2016	2017	2018	2019	2020
Siunnersuineq	22.000	24.000	24.000	24.150	21.360
TAC	8.272	9.024	9.024	9.080	8.031

Isumaqatigiissut malillugu Kalaallit Nunaat 2020-mi 8.031 tonsinik tunineqarpoq, illugiillunili isumaqatigiinniarnermi isumaqatigiissut naapertorlugu Kalaallit Nunaata kangiani qaleraleqatigiinnit EU, Rusland, Savalimmiut aamma Norge qalerallitaassiissutinik tunivai.

3.2.3 KITAANI (SINERISSAP QANITTUANI)

Avataani qaleralinniarnermi ataatsimut siunnersuinerit saniatigut NAFO ukiut tamaasa sinerissap qanittuani aqutsiveqarfinnut pingasunut – Qeqertarsuup Tunuanut, Uummannamut aamma Upernavimmut – immikkut siunnersuinerit tunniussisarpoq. Aningaasarsiutigalugu aalisarnermit kiisalu qaleraleqatigiinnik ilisimatuussutsikkut misissuinerit oqaluttuarisaanermi paasisat tunggavigalugit sinerissap qanittuani aalisarnermut siunnersuisoqartarpoq.

Siunnersuineq ukiunut marlunnut atuuttarmat aqutsiveqarfinnut pingasuusunut tamanut 2020-mi ilisimatuussutsikkut siunnersuinerup 2019-mi siunnersuineq assigaa. 2020-mi aqutsiveqarfimmi Qeqertarsuup Tunuani 5.120 tonsinik, Uummannami 5.800 tonsinik Upernavimmi 5.330 tonsinik annertunerpaamik pisaqartoqassasoq inassutigineqarpoq.

Aningaasarsiutigalugu aalisarnermit aamma ilisimatuussutsikkut misissuinerit oqaluttuarisaanermi paasisat ima pisoqaatiginngimmata, Kalaallit Nunaata sinnerani sinerissap qanittuani qaleraleqatigiit pillugit naliliineq



uumassuilerisunit nutarterneqarsinnaangilaq. Tamatumalu kingunerisaanik Kalaallit Nunaata sinneranut 2020-imut pisassat annertussusissaat pillugu inassuteqartoqarsinnaangilaq. 2020-mi Kalaallit Nunaata sinneranut siunnersuineq 920 tonsinut inissinneqarpoq.

TAKUSSUTISSIAQ 6: KITAANI PISASSIISUTEQARFIUSUNUT AGGUATAARILLUNI SINERISSAP QANITTUANI QALERALINNIARNERMI PIFFISSAMI 2016-2020-MI TAC AAMMA ILISIMATUUSSUTSIKKUT SIUNNERSUINERIT (TONSINNGORLUGIT)

	2016	2017	2018	2019	2020
Qeqertarsuup Tunua					
Siunnersuineq	8.000	6.400	6.400	5.120	5.120
TAC	9.200 + 100	9.200	9.200	8.180 + 2.400	8.180 + 1.145
Uummannaq					
Siunnersuineq	6.000	6.500	6.500	5.800	5.800
TAC	9.500 + 100	9.500	9.500	9.500 + 400	9.500 + 528
Upernavik					
Siunnersuineq	6.300	6.300	6.300	5.330	5.330
TAC	9.500 + 100	9.500	9.500	9.500	8.457
Siunnersuinerit katillugit	20.300	19.200	19.200	16.250	16.250
TAC katillugit	28.500	28.200	28.200	29.980	27.810

2013-imili TAC ilisimatussutsikkut siunnersuinermit malunnaatilimmik annertunerusarimavoq. Qaleralegatigiit ikilisimanerat pissutigalugu annertuallaamik aalisarsimaneq siunnersuinerup suli appariarsimaneranik kinguneqarpoq. 2020-mi TAC aqutsiveqarfimmut Qeqertarsuup Tunuanut 8.180 tonsiussasoq (kingusinnerusukkullu 1.145 tonsinik ilaneqartut), aqutsiveqarfimmut Uummannamut 9.500 tonsiussasoq (kingusinnerusukkullu 528 tonsinik ilaneqartut) kiisalu aqutsiveqarfimmut Upernavimmut 8.457 tonsiussasoq aalajangiunneqarpoq. Kalaallit Nunaata sinneranut pisassiissutinik aalajangersaasoqangilaq, tamatumani umiatsiaararsortut angallammillu aalisartut killeqangitsumik aalisarsinnaapput.

3.3 SAARULLIIT

3.3.1 AVATAANIITTUT

Kalaallit Nunaata kangiani aamma Kalaallit Nunaata kujammut kitaani saarullinnik avataaniittunik aalisarnermik aqutsineq aqutsinermut pilersaarut 2019-imi atortussanngortinneqartoq naapertorlugu ingerlanneqarpoq, taannalu Pinngortitaleriffiup, Aalisarneq pillugu Siunnersusioqatigiit, KANUAANA-p kiisalu Aalisarnermut, Piniarnermut Nunalerinermullu Naalakkersuisoqarfiup suleqatigiinnerisigut ineriartortinneqarnikuvoq.

Kalaallit Nunaata kangiani aamma Kalaallit Nunaata kujammut kitaani saarullinnik avataaniittunik aalisarneq pillugu siunnersuineq 2019-imi 5.363 tonsiniit 2020-imi 3.409 tonsinut appariaateqarpoq, ilisimatussutsikkullu misissuinerit tunngavigalugit saarullegatigiit ikileriarnissaat tikkuunneqarmat.

2020-imi Kitaani saarullinnik avataaniittunik toqqaannartumik aalisartoqassanngitsoq ICES-imit inassutigineqarpoq, suffisinnaasut amerliartortseqqilernissaannut pitsaanerpaamik tunngavissilluarniarlugit.


TAKUSSUTISSIAQ 7: KALAALLIT NUNAATA KANGIANI KITAATU AVATAANI SAARULLINNIARNERMI PIFFISSAMI 2016-2020-IMI TAC AAMMA ILISIMATUUSSUTSIKKUT SIUNNERSUINERIT (TONSINNGORLUGIT)

		2016	2017	2018	2019	2020
Kitaani	Siunnersuineq	Aalisartoqassa nngilaq	Aalisartoqassa nngilaq	Aalisartoqassa nngilaq	Aalisartoqassa nngilaq	Aalisartoqassa nngilaq
	TAC²	5.000	5.000	5.000	5.000	0
Kangiani	Siunnersuineq	7.577	7.930	12.151	5.363	3.409
	TAC	16.000	16.000	16.000	20.000	18.824

Saarullittassiissutit Kalaallit Nunaata kangiani aamma nunat tamalaat imartaanni NAFO-mit sumiiffiliinermi 1F-imi aalisarneqarsinnaapput. Naalakkersuisut 2020-mi TAC-mik 18.824 tonsinik aalajangiipput.

3.3.2 SINERISSAP QANITTUANI

Sinerissap qanittuani saarullinnarnermut ilisimatuussutsikkut siunnersuineq Kalaallit Nunaanni Pinngortitaleriffimmeersuuvoq. Kitaani sinerissap qanittuani 2020-mi saarullinniarnermi siunnersuineq 11.000 tonsiuvoq, 2019-imullu sanilliullugu annikilleriarnerrulluni. Kitaani sinerissap qanittuani saarullinniarnermi TAC 30.000 tonsinut aalajangiunneqassasoq Naalakkersuisut aalajangerpaat, tamannalu 2019-imut sanilliullugu allannguuteqanngilaq. Siunnersuinerup appariartinneqareernerani TAC siunnersuinermut sanilliullugu pingasoriaatingammik qaffasinneruvoq.

TAKUSSUTISSIAQ 8: KITAANI SINERISSAP QANITTUANI SAARULLINNIARNERMI PIFFISSAMI 2016-2020-IMI TAC AAMMA ILISIMATUUSSUTSIKKUT SIUNNERSUINERIT (TONSINNGORLUGIT)

	2016	2017	2018	2019	2020
Siunnersuineq	12.379	12.379	13.952	14.500	11.000
TAC	35.400	36.500	36.500	30.000	30.000 ³

4. AALISAKKAT ALLAT - AVATAANIITTUT

Immikkoortumi tulliuuttumi aalisakkat pingaarnert saniatigut ilisimatuussutsikkut siunnersuineq, TAC aalajangerneqartoq aamma Kalaallit Nunaanni avataasiorluni aalisarnerni pisassanik agguataarinerit takutinneqarput. Agguataarinerit aamma ilanngussaq 1-imi takuneqarsinnaapput.

4.1 TUPISSUTIT (IMMINNGUIT)

Tupissutinik aalisarnermi ilisimatuussutsikkut siunnersuineq siusinnerusukku ICES-ip ukiumoortumik siunnersuinerani takuneqarsinnaagaluarpoq. Kitaani tupissuteqatigiinnut atatillugu pisat 65 tonsit sinnissanngikkaat 2018-mi 2019-milu inassutigineqarpoq, kiisalu aalisarnerni allani tupissutinik saniatigut pisat annertunerpaamik killilersimaarneqartariaqartut. Taamaattorli taamanerilli ilisimatuussutsikkut siunnersuinerik nutaanik saqqummiussisoqarnikuunngilaq, taamaammallu 2020-mi Kitaani tupissutit pillugit ilisimatuussutsikkut nutaanik

² Misileraalluni aalisarnernut pisassiissutit

³ 1.500 tonsit sunngiffimmi aalisartunoortuupput, 200 tonsillu misileraalluni aalisarnermut tunniunneqarput.



siunnersuisoqarnikuunngilaq. Kalaallit Nunaata kangiani tupissuteqatigiit pillugit ukiuni arlaqartuni ilisimatuussutsikkut siunnersuisoqarnikuunngilaq. Taamaammat Kalaallit Nunaata kitaani aamma Kalaallit Nunaata kangiani tupissutinik aalisarnermi ilisimatuussutsikkut siunnersuinernik saqqummiussisoqarnikuunngilaq.

Aalisarnermik inuussutissarsiuteqartut tupissutinik saniatigut pisarisuugaqarani qaleralinniartoqarsinnaangitsoq nalileqqippaat. 2019-imi pisassiissutit taamaaginnarnissaat Naalakkersuisut aalajangiusimavaat, taamaalillunilu tupissutit pillugit TAC 2020-mi Kitaani 1.000 tonsinut aamma Kalaallit Nunaata kangiani 1.000 tonsinut aalajangiunneqarpoq. Kitaanut pisassiissutinit 60 tonsit EU-mut tunniunneqarput, 40 tonsillu Norgemut tunniunneqarput, taamaalillunilu kalaallit aalisarnerinut pisassiissutinit 900 tonsit sinnerullutik. Kalaallit Nunaata kangiani pisassiissutinit 75 tonsit EU-mut tunniunneqarput, 125 tonsillu Norgemut tunniunneqarput, taamaalillunilu kalaallit aalisarnerinut pisassiissutinit 800 tonsit sinnerullutik.

4.2 SULUPPAAKKAT

4.2.1 KALAALLIT NUNAATA KITAANI

2020-imut Kitaata imartaani suluppaakkanik *Sebastes mentellanik* siunnersuinermi tamakkuninnga suli toqqaannartumik aalisartoqassangitsoq siunnersuisoqarpoq. Suluppaakkat aalisagaapput arriitsumik alliertortartut, taamaattumillu ukiuni tulliuuttuni peqassutsip pitsanngoriaateqarnissaa naatsorsuutigineqanngilaq. Tamatuma saniatigut sualummiik raajarniarnermi suluppaakkanik saniatigut pisaqarnissap sapinngisamik killilersimaarneqarnissaa pillugu siunnersuisoqarpoq.

Kitaani suluppaakkanik itisoormiunik 2018-ip tungaanut 1.000 tonsinik saniatigut pisassiisoqassasoq Naalakkersuisut aalajangerpaat. 2019-imi 2020-miluunniit Kitaani suluppaakkat itisoormiut pillugit pisassiissutinik aalajangersaasoqanngilaq, tassami saniatigut pisareratarsinnaasat saniatigut pisat pillugit aalajangersakkatigut iliuseqarfigineqarsinnaammata.

4.2.2 IRMINGERIP IMARTAANI

Irmingerip imartaani *Sebastes mentellanik* (suluppaakkat itisoormiunik) sulupaagaqatigiinnik ataatsimoorussanik peqarpoq, taakkulu Kalaallit Nunaata, Islandip, Savalimmiut nunallu tamalaat imartaani siumorneqarsinnaapput. Taamatut naalagaaffiit sineriillit isumaqatigiissutaanni naalagaaffiit sineriillit pingasut siuliani pineqartut katillugit 60%-imik, NEAFC-imilu ilaasortat sinneri (Norge, EU aamma Rusland), nunat tamalaat imartaanni aalisartartut 40%-imik aalisarsinnaatitaapput. Rusland-imilli isumaqatigiissut akuerineqanngisaannarpoq, taassumallu annertoorujussuarmik aalisarnermik ingerlatsinini aalajangiusimavaa.

Irmingerip Imartaani suluppaakkat itisoormiut immikkoortunut marlunnut avissimapput, ikerinnarsiortunut itisoormiunullu. Suluppaakkat ikerinnarsiortut 500 meterimit ikkannerusumi aamma itisoorsortut 500 meterinit itinerusumi siumorneqartarput, suluppaakkalli itisoorsortut 500 meterinit itinerusumiittut Islandip imartaaniinnerullutik.

2020-mut ilisimatuussutsikkut siunnersuineq suli tassaavoq ukiup siulianisuulli siunnersuinertut "toqqaannartumik aalisartoqassangitsoq.

Irmingerip imartaani itisoormiunik suluppaagarniarnerup alloriarnikkaartumik annikillilernissaanik NEAFC-imi isumaqatigiissut naapertorlugu 2020-mi Kalaallit Nunaannut TAC-mik 1.224 tonsinik tunniussisoqarpoq, tamannalu 2019-imut sanilliullugu 111 tonsinik ikililiineruvoq. 2004-mili kalaallit angallataat Irmingerip Imartaani suluppaakkanik itisoormiunik toqqaannartumik aalisarnermi peqataanikuunngillat, kisiannili ilaatigut Aalisarnermik peqatigiinnissamut



isumaqatigiissut aqutugalugu aalisarsinnaanermut pisinnaatitaanertik EU-mut tuninikuaat. 2020-mi taakku tamarmik EU-mut tunniunneqarput, taakkunaniillu 561 tonsit Norgemut ingerlateqqinneqarput.

4.2.3 KALAALLIT NUNAATA KANGIANI AAMMA ISLANDIMI (PISASSAT AKULERIIT)

Kalaallit Nunaata kangiani suluppaagaqatigiiaat marluk aalisarneqartarput, tassaasut *Sebastes mentella* (suluppaagaq itisoormioq) aamma *Sebastes norvegicus* (suluppaagaq angisooq). Aalisakkat taakku marlut immikkoortikkuminaatsorujussuupput, tassami isikkumikkut assigiilluinnangajammata. 2016-imi aalisarnermit misiligutitut tigusat tunngavigalugit, pisanit nalinginnaasumik 36 %-it suluppaakkat itisoormiuusut 64 %-illu suluppaakkat angisuujusut Pinngortitaleriffimmit nalilerneqarpoq. Taamaalilluni Kalaallit Nunaata kangiani pingaarnertut suluppaakkanik angisuunik aalisartoqartarpoq.

Suluppaakkat itisoormiut ilaatigut suluppaakkap angisuup aalisarneqarneranni saniatigut annertuallaamik pisarineqartarnerat pissutigalugu tatineqarput. Misissuinerit takutippaat suluppaagaqatigiit itisoormiut piffissami 2009-2015 ikiliartuaarsimasut, kiisalu 2012-imili nutaanik pilertoqarsimangitsoq. Suluppaagaqatigiit itisoormiut arriitsumik alliertortamik kingusissukkullu kinguaasiulersamik kiisalu amerlasoorsuakkaarlutik siumorneqarsinnaasamik innarleruminartuupput. Suluppaakkat itisoormiut pillugit 2020-mi ICES-imit ilisimatuussutsikkut siunnersuineq ukiup siuliani siunnersuineq assigalugu 914 tonsiuvoq.

Suluppaakkanik angisuunik aalisarneq pillugu Kalaallit Nunaat 2015-imi Islandimik aqutsinissamik isumaqatigiissuteqarpoq. Isumaqatigiissut taanna atorlugu suluppaakkanik angisuunik aalisarnermut agguasseriaaseq aalajangersarneqarpoq, TAC-milu ilisimatuussutsikkut siunnersuineq malinneqassaaq. Ukiuootumik TAC-mit Kalaallit Nunaannut taakku 10 %-ii tunniunneqassapput, tamannalu siusinnerusukkut isumaqatigiissutinut sanilliullugu qaffasinneruvoq. Islandilu aqutsinissamik isumaqatigiissut 2019-imi atorunnaarpoq, tamatumalu kingorna peqatigiit isumaqatigiissutissaq nutaaq pillugu isumaqatigiinniartarput. Isumaqatigiinniarterit suli naammassineqarsimangimmata peqatigiit siusinnerusukkut isumaqatigiissutiminnik ingerlatitseqqinnarnissartik 2020-mut isumaqatigiissutigaaq.

ICES-imit ilisimatuussutsikkut siunnersuineq malillugu 2020-mi suluppaagaqatigiiaat angisuut tamaasa eqqarsaatigalugit 43.568 tonsinik annertunerpaamik pisaqartoqassasoq inassutigineqarpoq. Suluppaakkat angisuut Kalaallit Nunaannit Islandimut Savalimmiunullu siaruassimapput, aalisarnerullu annertunersaa Islandip imartaani ingerlanneqartarpoq. Siunnersuineq 2019-imili allangornikuunngilaq, illuatungaanili 2018-imit 7.200 tonsinik annertussusilimmik ikililerisoqassasoq inassutigineqarpoq.

Kalaallit Nunaata kangiani suluppaakkat pillugit TAC 5.271 tonsiussasoq Naalakkersuisut aalajangerpaat (suluppaakkanik itisoormiunik aamma suluppaakkanik angisuunik akuleriissitsilluni pisassiissutit). Pisassiissutinit taakkunanit Rusland 300 tonsinik, Norge 1.000 tonsinik aamma EU 2.000 tonsinik tunineqarput. Taamatut nunanut allanut pisassiissutinik ingerlatitseqqereernermit, kalaallit aalisarnerinut pisassiissutit katillugit 1.971 tonsiusut sinnerupput.

4.3 NATAARNAT

Nataarnat avataasioluni qalorsuarnik ningittakkanillu aalisarnermi saniatigut pisaasarput, taakkulu toqqaannartumik inuussutissarsiuutigalugu aalisarneqartanngillat. Saniatigut pisat pillugit nalunaarummi nataarnat qalorsuarnit allaanerusunik atortoqarluni pisarineqarnikuusut avalatseqqinneqassasut aalajangersarneqarpoq. Taamaalilluni taamatut aalisarneq taamaallaat saniatigut pisaqarnermik aalisarnerit isigineqarpoq, taamatullu annertussusilimmik aalisarneq killeqaqaaq. Taamaammatt aalisarnermit paasisanik pissarsinnaaneq killeqarpoq, 2020-milu Kalaallit Nunaata kangiani kitaaniluunniit nataarnat pillugit suli ilisimatuussutsikkut siunnersuinerik peqanngilaq.

Kitaani 2020-mi nataarnanik pisassiisoqassanngitsoq Naalakkersuisut aalajangerpaat.



Kalaallit Nunaata kangiani 2020-mi nataarnat pillugit TAC 1.000 tonsit saniatigut pisassiissutaassasut aalajangiunneqarpoq, tamannalu 2019-imut sanilliullugu allannguuteqanngilaq. Illugiilluni isumaqatigiissut naapertorlugu Kalaallit Nunaat kangiani nataarnanik 30 tonsinik Norge pisassanik tunineqarpoq. Aalisarnermik isumaqatigiissummut tapiliussaqaq 2016-2020 tunngavigalugu EU pisassiissutinik tunineqartarunnaarpoq, taamaakkaluartorli siusinnerusukkut Kalaallit Nunaata kangiani nataarnartassinneqartarpoq. Taamaallitutik 2020-mi pisassiissutit sinneruttut 970 tonsiusut Kalaallit Nunaata kangiani avataasiorluni qalerallinnarnermut atatillugu saniatigut pisat pillugit pisassiissutit atorneqarput.

4.4 QEEQQAT

2020-mi qeeraaqat pillugit ilisimatuussutsikkut siunnersuineq tassaavoq, Kalaallit Nunaata kitaani qeraaraqatigiit suli aalisarneqartariaqanngitsut, kiisalu Kalaallit Nunaata kangiani qeeraaraqatigiiaat pillugit ilisimatuussutsikkut siunnersuinerik pissarsiassaqaqanngitsoq.

2020-mi Kalaallit Nunaata kitaani qeeqqat milallit pillugit ilisimatuussutsikkut siunnersuineq suli 975 tonsiuvoq, Kalaallit Nunaata kangianili qeeraaqatigiiaat pillugit siulianisuulli aamma ilisimatuussutsikkut siunnersuisoqaqanngilaq.

Qeeqqap ilaatigut avataasiorluni raajarnarnermi saniatigut pisarineqartarnera pissutigalugu, Kalaallit Nunaata kangiani kitaanilu qeeraaqat qeeqqallu pillugit pisassiissutit siusinnerusukkut saniatigut pisassatut immikkoortunut marluusunut tamanut 1.000 tonsit pisassiissutigineqartarput. 2019-imi qeeraaqat aamma qeeqqat pillugit *pisassiisoqassanngitsoq* Naalakkersuisut aalajangerpaat, taamatullu iliuuseqarneq 2020-mi nangingeqarpoq. Taamaallinilu qeeraaqat aamma qeeqqat pillugit 2020-mi TAC-mik *pilersitsisoqanngilaq*, tassami saniatigut pisarineqartarsinnaasut saniatigut pisat pillugit aalajangersakkatigut malittarisassaqaqartinneqarsinnaammata.

4.5 AMMASSAT

KALAALLIT NUNAATA KITAANI

Kitaani ammassaatigiit pillugit ilisimatuussutsikkut siunnersuisoqaqanngilaq, tassami Kitaata imartaani ammassaatigiiaat pillugit naammattumik ilisimasaqartoqaqanngimmat. Naak ilisimatuussutsikkut siunnersuisoqartanngikkaluartoq ukiuni amerlanngitsuni TAC-qartarlunilu pissassiissutinik tunniussisoqartarnikuvoq. Pisassiissutit tamakku aalisarneqartanngimmata 2010-mili Kitaani ammassat pillugit TAC-mik pilersitsinissamut pissutissaqarsimangilaq.

2019-imisuulli 2020-mi Kitaani ammassat pillugit TAC-mik *pilersitsisoqassanngitsoq* Naalakkersuisut aalajangerpaat, tassami saniatigut pisat pillugit aalajangersakkatigut iliuuseqarfigineqarsinnaammata.

KALAALLIT NUNAATA KANGIA

Imartami Jan Mayenip, Islandip aamma Kalaallit Nunaata akornanniittumi ammassaatigiit ataatsimoorunneqarput, taakkulu Norgep, Islandip aamma Kalaallit Nunaata akornanni pingasuulluni peqatigiilluni isumaqatigiissutikkut malittarisassaqaqartinneqarput. Nunat taakku pingasut suleqatigiillutik TAC-imik aalajangersaassapput, Island-ip imartaani Ilisimatusarnermut Institutimit siunnersuineq tunngavigalugu. Ilisimatuussutsikkut siunnersuineri ammassannik misissuulluni angalanerit Island-ip imartaani Ilisimatusarnermut Institutimit ukiumut arlaleriarluni ingerlanneqartartunit paasisat tunngavigineqartarput. Nunat pingasuusut isumaqatigiissuteqartarnerat pisariusuuvuq, ukiumut arlaleriarluni TAC-mik aalajangersaasoqartarnera pissutigalugu, kiisalu piffissalersuinerup "kipungasuunera" pissutigalugu, tassami ulloq 20. juni allartittarmat, ukiullu tulliani ulloq 30. april naggaserneqartarluni.



Nunat pingasuusut isumaqatigiissutaat naapertorlugu ilisimatuussutsikkut siunnersuinerit 15 %-iilik Kalaallit Nunaat 2018-imi piumasaqarsinnaatitaanikuvoq. EU-mik Aalisarnermik peqatigiinnermut isumaqatigiissut naapertorlugu kalaallit pisassiissutit pissarsiaasa 70 %-ii EU-mut neqeroorutigineqartussaapput.

2018-mi ukiakkut ilisimatuussutsikkut siunnersuineq nutaaq saqqummiunneqarpoq, tassanilu taaneqarpoq piffissamut 2019-imi juulimiit 2020-mi marsimut (piffissami aalisarfiusumi 2019/2020) ataatsimut ammassaqatigiinnit siunnersuineq 0 tonsiussasoq. 2019-imi ukiakkut aamma 2020-mi upernaakkut Imartani Ilisimatusarnermut Institutimit ammassanik misissuilluni angalasoqarpoq, inerniliunneqarporli ilisimatuussutsikkut siunnersuineq 0 tonsiussasoq.

Ammassat pillugit TAC-tut aalajangersarneqartooq ukiup ingerlanerani allanngortarpoq nutaamillu siunnersuisoqartarluni, kisiannili siunnersuinikkut piffissami aalisarfiusumi 2019/2020 ammassaqatigiinnik toqqaannartumik aalisartoqannginnissaa inassutigineqarpoq. Taamaammat 2020-mi Kalaallit Nunaata kangianut ammassat pillugit TAC-mik aalajangersaasoqanngilaq.

4.6 SAARULLERNAT

Kalaallit Nunaata kangiani saarullernat ataatsimoorunneqarput naalagaaffinnit sinerialinnit aqunneqartut, 2020-milu peqatigiit uku naalagaaffittut sinerialittut inissisimapput: EU, Norge, Savalimmiut aamma Island. Kalaallit Nunaat Ruslandilu peqataapput aalisarnermik ingerlataqartuusut, saarullernallu pillugit naalagaaffiit sineriallit ataatsimiinneranni alaatsinaatsutut peqataasartut. Naalagaaffiit sineriallit saarullernat pillugit TAC-qarnissamik isumaqataapput, tassanilu NEAFC-imit ilisimatuussutsikkut siunnersuineq ataatsimut isigalugu malinneqartarpoq, tamannalu NEAFC-imi inassuteqartarnermik naqissuserneqartarpoq. Taamaattorli naalagaaffiit sineriallit agguataarineq pillugu isumaqatigiinngillat. Tamannalu naalagaaffiit aamma aalisarnermik ingerlataqartuusutut peqataasut akornanni ataatsimut saarullernartassiissutit TAC-mik aalajangiunneqartartut qaangerneqartarnerannik akuttunngitsumik kinguneqartarpoq.

Kalaallit Nunaat Ruslandilu NEAFC-imit inassuteqaat aallaavigalugu TAC-p ilaanik annikinnerusumik ukiuni arlaqartuni saarullernartassiissutinik pissarsisarput. Kalaallit Nunaata pissarsiai TAC-p ataatsimut katinnerisa 0,54 %-erai.

Saarullernaqatigiit ataatsimoorussat pillugit ilisimatuussutsikkut siunnersuineq 2020-mi 1.161.615 tonsiuvoq, tamannalu 2019-imut sanilliullugu 17.986 tonsinik qaffariaataavoq.

Kalaallit Nunaat saarullernartassiissutit ilaannik 2020-mi pissarsivoq, tassaasut Kalaallit Nunaata kangiani saarullernat 6.273 tonsit. Pisassiissutit NEAFC-ip malittarisassaqaqarfigisaani aamma Savalimmiormiut imartaanni Savalimmiullu illugiilluta isumaqatigiissuterput naapertorlugu aalisarneqarsinnaapput. Savalimmiunik taamatut isumaqatigiissummi ilaatinneqarputtaaq saarullernanik Savalimmiunut pissassiissutit ilai, taamaalillunilu 2020-mi saarullernat pillugu inaarutaasumik TAC 19.773 tonsiuvoq.

4.7 NORSKIT AMMASSASSUI UPERNAAKKUT SUFFISARTUT (ATLANTO-SKANDISK)

Ammassassuit Kalaallit Nunaata imartaani siumorneqartartut Atlantikup Avannaani ataatsimoorunneqarnerat ilimananarpoq, tassaappullu ammassassuit (atlanto-skandisk-it) Norgep imartaani upernaakkut suffisartut.

Atlantikup avannaani ammassassuit ataatsimoorunneqarput naalagaaffinnit sinerialinnit aqunneqartut, 2020-milu peqatigiit uku naalagaaffittut sinerialittut inissisimapput: Norge, EU, Savalimmiut aamma Island. Kalaallit Nunaat peqataavoq aalisarnermik ingerlataqartuusutut, naalagaaffiillu sineriallit ataatsimiinneranni alaatsinaattutut peqataasarpooq. Norskit ammassassui upernaakkut suffisartut (atlanto-skandisk) agguataarneqarnissaat isumaqatigiinngissutigigaluarlugu naalagaaffiit sineriallit saarullernasuulli ilisimatuussutsikkut siunnersuinerup TAC-mut atatillugu Norskit ammassassuinut upernaakkut suffisartunut atorneqarnissaa isumaqatigiinngissutigaaq.



Norskit ammassassuinut upernaakkut suffisartunut (atlanto-skandisk) 2020-mi ilisimatuussutsikkut siunnersuineq 525.595 tonsiuvoq, tamannalu 2019-imut sanilliullugu 62.967 tonsinik annikilleriarneruvoq.

2020-mi ukiup siulianisuulli Kalaallit Nunaata imartaani TAC 25.000 tonsiussasoq Naalakkersuisut aalajangerpaat. Savalimmiullu illugiilluni isumaqatigiinniarnertit tunngavigalugit norskit ammassassuinik upernaakkut suffisartunik (atlanto-skandisk) 2020-mi 3.200 tonsinik Kalaallit Nunaat periarfissaqarpoq, taakkulu Savalimmiut aamma nunat tamalaat imartaanni aalisarneqarsinnaapput.

2019-imi 2020-miluunniit kalaallit imartaanni ammassassuarnik pisaqartoqanngilaq. Pisassiissutit atorneqartannginnerannut pingaarnertut pissutaavoq Norskit ammassassuinik upernaakkut suffisartunik (atlanto-skandisk) Kalaallit Nunaata kangiani aalisartarneq nunallu tamalaat imartaani avaleraasartuunik aalisartarneq ataatsikkut ingerlanneqartarmata. 2017-imi kalaallit angallatai nunat tamalaat imartaani avaleraasartooriartarnikuupput.

4.8 AVALERAASARTUUT

Kalaallit Nunaata kangiani avaleraasartuut Atlantikup avannaata kangiani avaleraasartuqatigiit ataatsimoortut ilagaat. Avaleraasartuqatigiit taakku naalagaaffinit sinerialinnit aqunneqarput, 2020-milu peqatigiit uku naalagaaffittut sinerialittut inissisimapput: Norge, EU, Savalimmiut, Island aamma Kalaallit Nunaat (2016-imi). Rusland aalisqaataasut peqataavoq, taamaallaalli nunat tamalaat imartaanni avaleraasartooriartarpoq, naalagaaffiillu sineriallit ataatsimiinneranni alaatsinaatsutut peqataasarluni. EU-p, Norgep Savalimmiullu akornanni ilaannakortumik naalagaaffiit sineriallit isumaqatigiissutaat 2014-imeersaq 2020-p naanissaata tungaanut atuunnikuuvoq. Kalaallit Nunaat Islandilu naalagaaffittut sinerialittut isumaqatigiissummi tassani ilaanngillat.

ICES-imit ilisimatuussutsikkut siunnersuinerimi 2020-mi pisani katillugit 922.064 tonsit qaangerneqassanngitsut inassutigineqarpoq. 2019-imi 318.403 tonsiinnarnik inassuteqartoqarpoq, siunnersueriaatsilli maajimi nalilersoq-qissaareernerani siunnersuineq 770.358 tonsinngorlugu qaffanneqarpoq. 2020-mili 151.706 tonsinik qaffaaqqinneq suli malunnaateqarluarpoq.

2020-mi TAC 59.934 tonsiussasoq Naalakkersuisut aalajangerpaat, tamannalu Norgep, EU-p Savalimmiullu naalagaaffiit sineriallit ilaannakortumik isumaqatigiissutaani TAC-p isumaqatigiissutigineqartup 6,5 %-eraa.

2020-mi avaleraasartuut Kalaallit Nunaata kangianut appakaassimannginnerat pissutigalugu, nunat tamalaat imartaanni avaleraasartooriarnermut piffissaliussaq ulloq 20. augustimit ulloq 20. julimut siuartinneqarpoq. Tamatuma saniatigut pisassiissutinit nunat tamalaat imartaanni aalisarneqarsinnaasut annertunerpaaffissaat peerneqarpoq, tamannalu ukiup siuliani 20 %-t missaaniissimagaluarpoq. Tamatuma kingunerisaanik 2020-mi Kalaallit Nunaata avaleraasartuunik pisai tamarmik nunat tamalaat imartaanni pisarineqarput.

4.9 TINGUTTUUT

2016-imi ileqqusutut inuussutissarsiutigalugu aalisarneqalernissaasa tungaanut 2014-imi tinguttuut siullermeertumik misileraalluni aalisarfiulerput. Tinguttuunik aalisarnermi saarulliit saniatigut pisaasartut amerlaqisut paasineqarpoq.

ICES-imit ilisimatuussutsikkut siunnersuinerimi Kalaallit Nunaata kangiani Islandimilu tinguttooqatigiinnik aalisarnermi 3.856 tonsit sinernerneqassanngitsut inassutigineqarpoq. Siunnersuineq tamanna piffissami aalisarfiusumi 2019-imi ulloq septembarip aallaqqaataanit 2020-mi ulloq augustip 31-iata tungaanut atuuppoq. Tamatuma kingorna ilisimatuussutsikkut siunnersuineq malitseqartillugu saqqummiuteqqinneqanngilaq.

2020-mi Kalaallit Nunaata kangiani tinguttuut pillugit TAC 1.500 tonsiussasoq Naalakkersuisut aalajangerpaat, taakkulu angallatinut ningittagarsuutitut saarullinniarnissamut akuersissutilinnut ataatsikkut ingerlatsinissamut tunniunneqarsinnaasut.



4.10 EQALUKKAT EQALUGAASALLU

Kitaani eqalukkat eqalugaasalluunniit pillugit ilisimatuussutsikkut siunnersuinerit peqanngilaq.

2020-mi eqalukkat pillugit TAC-mik 5.000 tonsinik aamma eqalugaasat pillugit TAC-mik 2.000 tonsinik Kitaata avataani aalisarneqartussanik Naalakkersuisut aalajangiippat, taakkulu 2018-isuulli aamma 2019-isuulli annertussuseqarput.

5. AALISAKKAT ALLAT - SENERISSAP QANITTUANI

Aalisakkat pingaarnert saniatigut immikkoortumi tulliuuttumi Kalaallit Nunaanni senerissap qanittuani aalisarnerni ilisimatuussutsikkut siunnersuinerit, TAC aalajangersarneqartoq aamma pisassiisutitinnik agguataarinerit saqqummiunneqarput. Agguataarineq aamma ilanngussami 2-imi takuneqarsinnaavoq.

5.1 SAATTUAT

Kitaani saattuaqatigiit 2002-mili tatineqarnikuupput, saattuaqatigiillu annertussusiat saattuallu angissusiat malunnaatilimmik annikilleriarsimanagerat maluginiarneqarsinnaasimavoq. 2006-imili ataatsimut pisat 2.000 aamma 3.000 tonsit akornanniinnikuupput, taakkulu pingaarnertut Sisimiut, Qeqertarsuup Tunuata aamma Nuup-Paamiut eqqaanni pisarimeqarsimapput.

Saattuarniarneq pillugu nalunaarut 2004-mi Naalakkersuisut akueraat, taannalu malillugu senerissap qanittuani saattuarniarneq aqutsiveqarfimmut immikkoortunut arfinilinnut aggulunneqarpoq: Tassaasut aqutsiviusut Upernavik, Nuuk-Paamiut, Qeqertarsuup Tunua, Sisimiut, Maniitsoq-Kangaamiut aamma Narsaq-Qaqortoq. Aqutsiviusunut tamanut immikkut pisassiisoqartarpoq.

Kalaallit Nunaanni 2020-mi avataasiortunik immikkoortunik saattuarniarneqanngilaq, avataasiortunimi saattuarniarneq EU-p aamma Kalaallit Nunaata akornanni aalisarneq pillugu isumaqatigiisummut tapiliussami ilaajunnaarmat. Taamaalluni 2020-mi avataasiortunut immikkut pisassiisutitinnik aalajangiisoqanngilaq. Taamaattorli angallatit senerissap qanittuani aalisartut tunngaviummik killigititap avataani 3 s milinik avasinnerusumi saattuarniarneqanngilaq, tassa immikkoortumi avataasiortunumi.

Ilisimatuussutsikkut siunnersuineq Pinngortitaleriffimmit tunniunneqartarpoq, taannalu saattuat isumalluutit pillugit ukiunut marlunnut atuuttussamik nalunaarusiortarpoq. Nalunaarusiami 2019-2020-mi atuuffeqartumi ilisimatuussutsikkut siunnersuineq taaneqartoq siusinnerusukkut nalunaarusiami siunnersuinerit piffissamut 2017-2018-imut atuuffeqartumut sanilliullugu allannguuteqanngilaq.

2020-mi ilisimatuussutsikkut siunnersuineq pissarsiarineqarsinnaasooq malillugu senerissap qanittuani aqutsiveqarfik Nuuk-Paamiut pillugu 200 tonsit inassutigineqarput, kiisalu avataasiortunimi aalisarnermut 1.000 tonsit inassutigineqarput. Aqutsiveqarfimmut Qeqertarsuup Tunuanut senerissap qanittuanut 400 tonsit inassutigineqarput, avataasiortunimi aalisarnermut siunnersuisoqarani. Tamatuma saniatigut senerissap qanittuanut aqutsiveqarfik Sisimiut pillugit 300 tonsit inassutigineqarnikuupput, avataasiortunimi saattuarniarnerup matoqqatinneqarnissaa inassutigineqarput. Paasisatut tunngavigisassat naammattut pigineqanngimmata, aqutsiveqarfiit Upernavik, Maniitsoq-Kangaamiut aamma Narsaq-Qaqortoq pillugit suli siunnersuisoqanngilaq.

Kitaani saattuat pillugit senerissap qanittuani angallatit immikkoortunut TAC-mik katillugit 2.850 tonsinik 2020-mi Naalakkersuisut aalajangiippat. TAC taanna 2019-imut sanilliullugu 355 tonsinik annikillisinneqarpoq. Ataatsimut TAC-it aqutsiveqarfimmut arfinilinnut agguataarneqarput, taamaallaalli aqutsiveqarfik Nuuk-Paamiut pillugu ilisimatuussutsikkut siunnersuineq malinneqarpoq. 2020-mi TAC-nik inaarutaasumik ima aalajangiisoqarpoq: Upernavimmut 400 tonsit, Nuuk-Paamiut 1.200 tonsit, Qeqertarsuup Tunuanut 525 tonsit, Sisimiunut 500 tonsit, Maniitsoq-Kangaamiut 225 tonsit kiisalu Narsaq-Qaqortoq 225 tonsit.



5.2 UILUIIT

2004-mili ilisimatuussutsikkut siunnersuinerneq pissarsiaqartoqarsinnaasimanngilaq imaluunniit uiluinniarnerup aqunneqarnerata allangortinnissaanut inuussutissarsiortunit kissaateqartoqarnikuunani.

Taamaammat 2020-mi pisassiissuteqarfiit pisassiissutillu annertussusiisa assingi aalajangiusimaneqassasut Naalakkersuisut toqqarpaat, taamaalillunilu 2020-mi uiluiit pillugit ataatsimut TAC 2.520 tonsiussasoq aalajangersarneqarpoq. Taamaalilluni TAC-p aqutsiveqarfiit akornanni agguataarnera 2020-mi aamma allannguuteqarani taamaaginnarpoq. Taannalu ima agguataarneqarpoq: Nuuk-Paamiut 720 tonsit, Aqjaruani 0, Attumi 400 tons, Sisimiut Kujataa (Saqqaq) 400 tons, Sisimiut-Avannaa (Kangaarsuk) 700 tonsit kiisalu Nassuttuumi 300 tonsit. Tamatuma saniatigut Kalaallit Nunaata sinnerani saattuarniarnermut pisassiissuteqartoqanngilaq.

5.3 KAPISILLIT

Atlantikumi kapisilik kapisileqatigiinnut akuleriittunut ilaavoq, kapisilillu annertuumik nuttartartuuvoq, NASCO-milu suleqatigiinnikkut malittarisassaqtinneqarluni. Kapisileqatigiit Kalaallit Nunaannit aalisarneqartartut kapisileqatigiupput Atlantikup avannaata kitaani aamma Atlantikup avannaata kangiani naalagaaffinnit sinerialinnit katitigaallutik kingoqqisuusut. Tamatuma saniatigut Atlantikumi kapisilik kinguariatjussuarnikuuvoq, nalilernerparporlu kapisileqatigiit oqaluttuarisaanermi aatsaat taama ikitsigisut. Taamaammat nunat tamalaat suleqatigiinneranni kapisileqatigiit taakku ataatsimoorunneqartut aqunneqarnissaat pisariaqtinneqarpoq.

Ilisimatuussutsikkut siunnersuineq ICES-imit tunniunneqartarpoq, tamannalu 2009-mili mianersorfiusussaaqisutut nalunaarutigineqarnikuuvoq. Kalaallit pisassaasut ukiuni 30-ni kingullerni NASCO-mit malunnaateqaqisumik appartinneqarnikuupput, kalaallillu aqutsineranni inatsiseqarnerannilu killilersuilluni iliuutsit allat timitaliiffiqineqarnikuupput. 2002-mili namminerisamik atugassatut aalisarneq imaluunniit inuuniutigalugu aalisarnertut taaneqartarpoq Kalaallit Nunaata taamaallaat akuerisinnaasimavaa, pisassiissutillu 20-50 tonsit akornanniitartut. Tamatuma kingunerisaanik kikkunnulluunniit niuerfimmi ammasumi assersuutigalugu Nuummi kalaalimeerniarfimmi inuussutissarsiutigalugu aalisartut taamaallaat tunisisinnaapput.

NASCO-mik suleqateqarnikkut aqutsinissamik isumaqatigiissut NASCO-mi ukiumoortumik ataatsimiinnerni akuerineqartoq Kalaallit Nunaata malissallugu pisussaaffigaa. Kalaallit Nunaata imartaani Atlantikumi kapisilimmik kapisilinniarnera pillugu 2018-imi NASCO-mi ukiumut pingasunut (2018-2020) nutaamik aqutsinissamik isumaqatigiissuteqartoqarpoq, tamatumani sukannersumik aqutsilluni inuuniutigalugu aalisarnerup ingerlanneqarnissaa akuerisaavoq. Tamatumani ilaatigut ilaatinneqarput, aalisarnerup aalajangersimasumik 30 tonsinik pisassiissuteqarnikkut killilernerneqarnissaa, kikkunnulluunniit kapisilinniartut tamarmik (inuussutissarsiutigalugu aalisartut sunngiffimmilu aalisartut) akuersissummik peqarnissaat, kiisalu pitsaanerumik nalunaartarnissamut aalisarnerullu pitsaanerumik nakkutigineqarnissaanut Kalaallit Nunaata pisussaaffeqarnissaa.

2018-imi NASCO-mik ukiumut pingasunut nutaamik isumaqatigiissut naapertorlugu Naalakkersuisut kapisilittassanik 30 tonsinik pilersitsiniarlutik aalajangiupput, pisassiissutillu taakku inuussutissarsiutigalugu aamma sunngiffimmi aalisartunut atuutissasut. NASCO-mik aqutsinissamut isumaqatigiissuteqarnerup kingornatigut ukiumut sippuilluni aalisartoqartarpoq, tamatumalu kingunerisaanik ukiumut TAC naatsorsuutigisamit annikinnerusarpoq. Tamatumunnga pissutaavoq, aqutsinissamik isumaqatigiissummi piumasaqaateqartoqarmat, tassanilu sipporlugu aalisarneqartut ukiup tulliani utertinneqartarnissaat aalajangerneqarmat.

TAC 2020-mi 20,7 tonsiussasoq Naalakkersuisut aalajangerpaat. Pisassiissutit aqutsinissamik isumaqatigiissummi akuerineqartut 30 tonsiusut 2019-imi sippuilluni aalisarneqarnikuusut iluarsiviginialugit 20,7 tonsinut ikilineqarput. Sippuilluni aalisarnikuuneq pissutigalugu 2019-imi TAC 19,5 tonsiuvoq, tamatumalu kingunerisaanik 2018-imi aqutsinissamik isumaqatigiissutip akuerereerneratigut ukiumut 10 tonsit missaanni sippuilluni aalisarneqartarput.



5.4 NIPISAT, ARNARLUIT

Inuussutissarsiutigalugu nipisanniarnermi nipisat arnarluit upernaakkut suaqartartut aalisarneqartarput. Angusalluk ukioq naallugu aalisarneqarsinnaavoq, taamaattumillu aqutsinermut pilersaarummi ilaatinneqanngimmat nalunaarummi uani sammineqanngilaq. NAFO-mi sumiiffiliinermi immikkoortuni 1A-mit 1F-imut (takussutissiaq 2) Kitaatamakkertut kujataani Nanortalimmit (60°00' N) avannaani Upernavimmut (72°50' N) sinerissap qanittuani arnarlunniarneq upernaakkut ingerlanneqartarpoq.

Aqutsinermut pilersaarut malillugu nipisanniarneq aqunneqarpoq, tassanilu siunnersuinermit periaatsit aamma TAC-mik aalajangersaanerit, malittarisassaqtitsineq, aqutsineq aamma nipisanniarnermi nalunaarsuineq nassuiaatigineqartarput, taamaalillutik nipisaqatigiit piujartinneqarsinnaassammata. Nipisanniarneq 2015-imi MSC-mit uppernarsaaserneqarpoq, taamatullu uppernarsaasiinerup attatiinnarnissaanut aqutsinermut pilersaarutip eqqortinneqarnissaa qitiutinneqarpoq.

Pinngortitaleriffimmit ilisimatuussutsikkut siunnersuineq ukiunut marlunoortuuvoq, ilaatinneqarpullu TAC pillugu inassuteqaat, kiisalu ullut aalisarfiusut pillugit aqutsiveqarfinnut tamanut inassuteqaat. Nipisanniarnep malitsigisaanik saniatigut pisat pitsaanerusumik malittarisassaqtinniarlugit ilisimatuussutsikkut siunnersuinermit ullut aalisarfiusut ilanngunneqarnikuupput. Taamatuttaaq pisassiissutit sumiiffinnut agguataarnissaat pillugu ukiut tamaasa siunnersuisoqartarpoq. Ukiut pingasut siuliini aalisarneq tunngavigalugu, aalisarneq ukiut tamaasa agguataarneqartassasoq aqutsinermut pilersaarummi akuerineqarnikuuvoq. NAFO-mi sumiiffiliinermut immikkoortiterneqartunut agguaasseriaaseq ukiut tamaasa Pinngortitaleriffimmit naatsorsorneqartarpoq. Tamatuma kingorna sumiiffiliinermut immikkoortiterneqartunut pisassiissutit agguanneqartarput, taakkualu 85 %-ii agguaasseriaaseq naapertorlugu tunniinneqartarput, sinnerilu 15 %-t NAFO-mit sumiiffiliinerit immikkoortiterneqartut akornanni naligiimmik agguanneqartarput.

TAKUSSUTISSIAQ 2: KITAATA SINERIAA PILLUGU NAFO-MIT SUMIIFFILIINERIT, AAMMA SUMIIFFILIINERIT IMMIKKOORTITERNEQARNERAT





Piffissami aalisarfiusumi ulluni aalisarfinni 37-ini 2020-mi nipisat suai pillugit ilisimatuussutsikkut siunnersuineq 1.159 tonsiuvoq, 2019-imilu ilisimatuussutsikkut siunnersuinermit sanilliullugu tamanna 140 tonsinik kinguariaataavoq. NAFO-mi sumiiffiliinernik immikkoortiterneqartunut agguataarinermit inassutigineqartoq 1.159 tonsiusoq imaassasoq inassutigineqarpoq: 127 tonsit 1A-mi, 113 tonsit 1Ba-mi, 39 tonsit 1Bb-mi, 255 tonsit 1C-mi, 321 tonsit 1D-mi, 178 tonsit 1E-mi kiisalu 125 tonsit 1F-imi.

2020-mi TAC 1.159 tonsiussasoq Naalakkersuisut aalajangerpaat, tamannalu kingusinnerusukku 1.362 tonsinngortillugit qaffanneqarpoq, taakkunungalu aqutsiveqarfinni tamani ullut aalisarfiusut 60-it atorneqassasut. Inaarutaasumik TAC NAFO-mi sumiiffiliinernik immikkoortinneqartunut imatut pisassiissuteqarluni agguataarneqarpoq: 127 tonsit 1A-mi, 113 tonsit 1Ba-mi, 39 tonsit 1Bb-mi, 357 tonsit 1C-mi, 423 tonsit 1D-mi, 178 tonsit 1E-mi aamma 125 tonsit 1F-imi.

6. MISILERAALLUNI AALISARNEQ

Ukiut siulii assigalugit 2020-imi assigiinngitsunik arlalinnik misileraalluni aalisartoqassasoq Naalakkersuisut aalajangerput. Sumiiffiit, aalisakkat aalisariaatsillu nutaat misissuiffiginissaat, kalaallit imartaasa misissuiffiginissaat aalisarnermillu periarfissat suussusersinissaat misileraalluni aalisarnermi siunertaapput.

2020-mi misileraalluni aalisarnernit pisassiissutinit ataatsimut pisat annikitsuararsuupput, tamannalu aamma ukiut siuliini atuuppoq. Misileraalluni aalisarnermit akuersissutaatilinnit 15-iusunit akuersissutaatillit marluk katillugit 47,6 tonsit aalisarpaat. Misileraalluni aalisarnermut pisassiissutit amerlanersaat assigiinngitsunik pissuteqarluni atunngitsoorneqarput, ataatsimulli isiginiassagaanni ingerlatseqatigiiffiit misileraallutik aalisarnermut pisassiissutaatitik salliutinniarsimangilaat.

6.1 AMMASSAT AALISAKKALLU IKERINNARSORTUT ALLAT (AMMASSASSUIT, EQALUGAASAT PUTOORUTTULLU)

Misileraalluni aalisarneq peqataasutut ingerlatsisut Pinngortitaleriffik, KANUAANA aamma APN suleqatigalugit 2019-imi siullermeertumik pilersinneqarpoq. Ammassattassiissutit 5.000 tonsit pilersinneqarput, taakkulu Kitaani aqutsiveqarfinnut pingasunut agguataarneqarput: Avannaata kitaani 70°22,5'N-p avannaanut, Qeqertarsuup Tunuanut 68°15'N-p aamma 70°22,5'N-p akornani, kiisalu Kujataata kitaanut 68°15'N-p kujataani. Pisassiissutit aqutsiveqarfinnut ima agguataarneqarput: Avannaata kitaanut 1.000 tonsit, Qeqertarsuup eqqaanut 2.000 tonsit, kiisalu Kujataata kitaanut 2.000 tonsit. Tamatuma saniatigut aalisakkat ikerinnarsortut allat pillugit Kitaani pisassiissutinik pilersitsisoqarpoq: ammassassuit 500 tonsit, eqalugaasat 500 tonsit aamma putooruttut 500 tonsit.

2020-mi ammassannik misileraalluni aalisarneq, pisassiissutit siuliani taasat assingi atorlugit pilerseqqinneqarpoq, taakkulu katillugit 5.000 tonsiupput, aqutsiveqarfinnullu taaneqartunut agguasseriaaseq taanna atorlugu agguataarneqarlutik. Aammattaaq ikerinnarsiorluni misileraalluni aalisarnerit pilerseqqinneqarput. Eqalugaasat aamma ammassassuit pillugit pisassiissutit tamarmik Kitaani atugassat suli 500 tonsiupput, taamaattorli Kitaani putooruttunik pisassiissutit marloriaatinngortinneqarput 1.000 tonsinngortillugit.

Saarullinnik saniatigut pisat naapertorniarlugit misileraalluni aalisarnermut saarullit 200 tonsit saniatigut pisassatut aamma pilersinneqarput. Pisassiissutit taakku Kitaani 2020-mi sinerissap qanittuani saarullit pillugit TAC-mit tiguneqarput. Kitaani avataani saarullinnik saniatigut pisanik akuersissut ammassannik aalisakkanillu ikerinnarsortunik allanik misileraalluni aalisarnermit akuersissutaatillinnut immikkuullarissumik tunniunneqarsinnaassaaq.

Ingerlatseqatigiiffiit marluk qinnuteqartut 2020-mi qinnuteqarnermut piumasaqaatit naammassinikuaat, taamaattumillu akuersissummik tunineqarlutik. Misileraalluni aalisarnermut pisassiissutinut akuersissutit 2020-mi atorneqanngitsoorput.



6.2 AMMASSASSUAASAQ

Kalaallit Nunaat kangiani kitaanilu ammassassuaasanik 3.500 tonsinik pisassiillutik Naalakkersuisut 2020-imi misileraalluni aalisarnermik pilersitsipput. Tassani misileraalluni aalisarnermut akuersissutinik agguassinermit qinnuteqartup sinerissap qanittuani qaleralinniarnermut saarullinniarnermullu taakkunaniillu amerlassutsit pissarsiarineqarsinnaasut pillugit akuersissutaateqarnissaat piumasaqaataavoq. Aalisarneq ingerlaannaq unitsinneqassaaq ingerlatsisup saarullittassiissutini sulupaagartassiissutiniluunniit tamakkerlugit aalisarsimappagit.

Naak misileraalluni aalisarnermut pisassiissutit 2019-imi atorneqanngikkaluartut 2020-mi pilerseqqinneqarput, Kangia Kitaalu tamarmik ammassassuaasanik pisassiissutit 500 tonsinik qaffaavigineqarlutik. 2019-imi novembarimi illugiilluni ataatsimiinnermi isumaqatigiissut malillugu EU-mut pisassiissutinik tunniussiniarneq siunertaralugu pisassiissutit qaffanneqarput. Taamaalilluni 500 tonsit EU-mut ingerlateqqinneqarput, sinneruttullu 3.000 tonsit kalaallinit ingerlatsisunit aalisarneqarsinnaapput.

Ingerlatseqatigiiffiup ataatsip 1.500 tonsinik misileraalluni aalisarnermut akuersissutaatini atornikuuaa. Ingerlatseqatigiiffiup ammassassuaasat taamaallaat 22 tonsit aalisarpai, akuersissutaateqarlunilu pisassiissutinik atuinerup 1,5 %-iisa tamanna naligaat.

6.3 AMIKUT

2018-imi siullermeertumik Kalaallit Nunaata kangiani kitaanilu amikunik misileraalluni aalisarsinnaanissaq pilersinneqarpoq. Tassani misileraalluni aalisarnermut akuersissutinik agguassinermit qinnuteqartup sinerissap qanittuani qaleralinniarnermut saarullinniarnermullu taakkunaniillu amerlassutsit pissarsiarineqarsinnaasut pillugit akuersissutaateqarnissaat piumasaqaataavoq. Aalisarneq ingerlaannaq unitsinneqassaaq ingerlatsisup saarullittassiissutini sulupaagartassiissutiniluunniit tamakkerlugit aalisarsimappagit.

2020-mi taamatut amikunik misileraalluni aalisarneq pilerseqqinneqarpoq, aalisarnerli taamaallaat Kitaani sinerissap qanittuanut killiligaalluni. Pisassiissutit 2019-imi 2020-miluunniit *atorneqanngitsoorput* .

6.4 INALUGALLIT.

Ingerlatseqatigiiffiit soqutiginnittut arlallit kaammattuinerisigut misileraalluni aalisarneq 2019-imi siullermik pilersinneqarpoq. Qallunaat qanittukkut inatsimmik allannguinerisigut soqutiginnittoqalerpoq, tamatumanimi inalugalinnik nunanut allanut tunisineq imminut akilersinnaalissamat. Inatsimmik allannguneq Kalaallit Nunaannut sulii sunniuteqalinnigilaq, Kalaallit Nunaannimi nunanut allanut niuernerme maleruagassat pisoqqat sukannererusullu sulii atuummata, ingerlatseqatigiiffiilli naliliipput Kalaallit Nunaata qallunaat iliuusiannik malinninnissaanut piffissaq apeqqutaaginnartoq.

Inalugalinnik misileraalluni aalisarneq sinerissap qanittuani aqutsiveqarfinnut sisamanut killilerneqarpoq, immammi naqqani kilioruutit atornerisigut immap naqqani uumassuseqarfiusut aserorterneqaratarsinnaanerit killilersimaarniarlugu uiluinniarnermi aqutsiveqarfiit assingi inalugalinniarnermi atorneqarput. Sinerissap qanittuani aqutsiveqarfiit sisamat tassaapput: Nuuk, Attu, Sisimiut kujataat aamma Sisimiut avannaat.

Inalugalinnik misileraalluni aalisarneq annertussusiliinermit aalajangiinertaqanngitsumik 2020-mi pilerseqqinneqarpoq. Ingerlatseqatigiiffiup ataatsip 2020-mi misiliilluni pisassiissutinik atuivoq, inaarutaasumillu pisassiissutinit 26 tonsit pisarineqarput.

6.5 SAARULLIIT, QALERALLIT, NATAARNAT, TINGUTTUUT, SAARULLIK ATAMASOQ, QEEQQAT AAMMA SENERISSAP QANITTUANI EQALUIT



2020-mi saarullinnik, qaleralinnik, nataarnanik, tinguttuunik, saarullinnik atamasunik, qeqqanik eqalunnillu ningittagarsuutunik Kalaallit Nunaata kangiani misileraalluni aalisarnermik pilersitsisoqarpoq. Kalaallit Nunaata kangiani Tasiilap Ittoqqortoormiillu eqqaanni aalisarnerup siuarsarneqarnissaa siunertaralugu 2014-imili misileraalluni aalisarnerup pilersinneqarpoq. Kalaallit nunallu allamiut angallataat misileraalluni aalisarnermut akuersissutunik qinnuteqarsinnaanikuupput. Misileraalluni aalisarnerup Kalaallit Nunaannut iluaqutaanissaa isumannaarniarlugu, misileraalluni aalisarnermi pisassiissutit tamakkiisumik tulaanneqartarnissaannut pisussaaffeqarnissaq piunasaqaataavoq.

Ingerlatseqatigiiffik ataaseq qinnuteqarpoq, taamaattorli 2020-mi pisassiissutit atorneqanngitsoorput.

6.6 KALAALLIT NUNAATA AVANNAATA KANGIANI AKULERIINNIK AALISARNERIT

Kalaallit Nunaata kangiata avannaanni 69°00'N-p avannaani aningaasarsutigalugu aalisartoqarnerup ajorpoq, kisiannili periarfissat misissorniartugit 2020-mi misileraalluni aalisarnermut pisassiissutit pilersinneqarput. 2018-imi 2019-imilu Norge Jan Mayen-ip eqqaani iluatsittumik qaleralinniarlunilu saarullinniarpoq, tamatumani Kalaallit Nunaata kangiani aalisarnermik nutaamik periarfissaqartoqarneranik tikkuussisoqarpoq. 69°00'N-p avannaani peqarfiusinnaasunik Pinnortitaleriffik naliliivoq, imaassinnaasorlu taakku Kalaallit Nunaata kangiani Islandimilu qaleralatigiinnut saarulleqatigiinnullu atasuusut. Tamatuma annertunerusumik misissorneqarnissaa kissaatigineqarmat, 2020-mi Kalaallit Nunaata avannaata kangiani misileraalluni aalisarnissamut pisassiissutit 900 tonsiusut pilersinneqarput, taakkunaniillu 600 tonsit saarulliusinnaapput 300 tonsillu qaleraliusinnaallutik.

Pisassiissutit aqutsiveqarfinnut pingasunut agguataarneqarput: ataaseq 69°00'N-p aamma 70°00'N-p akornanni, ataaseq 70°00'N-p aamma 71°00'N-p akornanni, ataaserlu 71°00'N-p aamma 72°00'N-p akornanni. Pisassiissutit aggulunneqarput, taamaalillutik sumiiffinni pineqartuni tamani qalerallit 100 tonsit saarulluillu 200 tonsit annertunerpaamik aalisarneqarsinnaallutik. Misileraanermit pisassiissutit 2020-mi ingerlatseqatigiiffimmit ataatsimit atorneqarput, sumiiffiillu 69°00'N-p aamma 70°00'N-p akornanni inaarutaasumik pisassiissutit qalerallit 25 tonsit pisarineqarlutik.

7. ILLUGILLUNI ISUMAQTIGIISSUTIT

Aalisakkat assigiinngitsut pillugit TAC-mik ukiumoortumik Naalakkersuisut aalajangersaareernerisigut, Kalaallit Nunaata nunallu Kalaallit Nunaata illugiilluni aalisarnermut isumaqatigiissuteqarfigisimasaasa akornanni pisassiissutit ilaannik paarlaasseqatigiittoqartarpoq. Pisassiissutit paarlaasseqatigiinnerit ataaniittumi allaaserineqarput. Agguataarnerup aamma ilanngussami 3-imi takuneqarsinnaavoq.

7.1 EU

Kalaallit Nunaata aalisarnikkut peqatigiinnissamik EU-mik isumaqatigiissutaa aalisarnikkut isumaqatigiissutini pingaarnersaavoq. Isumaqatigiissutit tapiliussat ingerlaavartumik nutarterneqartartut tunngavigalugit aqunneqarpoq. Isumaqatigiissummut tapiliussaq kingulleq ulloq 1. januar 2016 atorussanngortinneqarpoq, ullorlu 31. december 2020 atorunnaarluni. Isumaqatigiissummut tapiliussami pisassiissutit annertussutsit Kalaallit Nunaata EU-mut neqeroortai illuatungaani EU-mit aningaasanik taarsiissutissat taaneqarput. Aalisarnermik pisinnaatitsinermit Kalallit Nunaat ukiumut 135 mio. kr.-t missaani akiliutinik pissarsisarpoq. Takussutissiami ataaniittumi pisassiissutit Kalaallit Nunaata 2020-mi EU-mut ingerlateqqitai takutinneqarput.



TAKUSSUTISSIAQ 9: ISUMAQATIGIISUMMUT TAPILIUSSAQ MALILLUGU KALAALLIT NUNAATA EQQAANI EU-P AALISARNERMUT PERIARFISSAI 2016-2020, KIISALU 2020-MUT ANNERTUSSUTSIT ISUMAQATIGIISUTIGINEQARTUT (TONSINNGORLUGIT).

	Isumaqatigiisummut tapiliusaaq 2016-2020 malillugu aalisarnermut periarfissatut tikkuussat (tonsinngorlugit)	Aalisarnermut periarfissat isumaqatigiisutigineqartut (tonsinngorlugit) 2020-mut EU-mut ingerlateqqitat
Saarullit	1.800	1.950
Suluppaakkat ikerinnarsiortut	2.200	1.224
Suluppaakkat natermiut	2.000	2.000
Qalerallit - Kitaani	2.500	2.500
Qalerallit - Kangiani	5.200	5.200
Raajat itisoormiut - Kitaani	2.600	2.800
Raajat itisoormiut - Kangiani	5.100	4.400
Ammassat	20.000	0
Tupissutit - Kitaani	100	100
Tupissutit - Kangiani	100	100
Saniatigut pisat	1.126	800

EU-lu aalisarnermik peqatigiinnissamut isumaqatigiisummi takuneqarsinnaasutut Kalaallit Nunaanni pisassiissutinit annertussutsinut tunniunneqartussatut tikkuussanut atatillugu Agreed Minutes 2019 naapertorlugu EU-mut saarullittassiissutit 150 tonsinik ilaneqassasut, Kitaanilu raajartassiissutit 200 tonsinik ilaneqassasut isumaqatigiinniarnermi anguneqarpoq. Tamatuma saniatigut isumaqatigiisutigineqarpoq ikerinnarsiortuluni suluppaakkanik pisassiissutit 976 tonsinik ilanngarneqassasut, Kalaallit Nunaata kangiani raajanik pisassiissutit 700 tonsinik ilanngarneqassasut kiisalu ammassannik pisassiissutit 20.000 tonsinik ilanngarneqassasut. Taamaalilluni aamma ataatsimut saniatigut pisanik pisassiissutit 326 tonsinik ilanngarneqarput, tamannalu ukiumut 2020-mut atuuppoq.

7.2 SAVALIMMIUT

2019-imi decembarimi Kalaallit Nunaata Savalimmiullu akornanni Aalisarnermut, Piniarnermut Nunalerinermullu Naalakkersuisoqarfik 2020-mut aalisarnerq pillugu isumaqatigiisuteqarpoq. Isumaqatigiisummi tunngavigineqarpoq Kalaallit Nunaata Norgellu akornanni ulloq 27. maj 1997-imi aalisarnerq pillugu isumaqatigiisut, taamaalillunilu 2020-mi Savalimmiut imartaani kalaallit aalisarnerat kiisalu Kalaallit Nunaata imartaani savalimmiormiut aalisarnerat tunngavissinneqarluni. Kalaallit Nunaata Savalimmiullu akornanni isumaqatigiisut nunanut marluusunut naleqartorujussuuvoq, tassami nunat taakku marluk aalisariutaanni ukioq naallugu suliaqarnissamut tamanna isumannaareqataammat.

Kalaallit Nunaata Savalimmiullu akornanni 2020-mut isumaqatigiisummut tapiliusaaq naapertorlugu, Savalimmiormiut angallataataat pisassiissuteqarfiusumi Kalaallit Nunaata kitaani 68°00'N-p avannaani qalerallinnik 100 tonsinik aalisarsinnaapput. Tamatumani aalisarnermi misiligutinik tigusisarnissaaq piumasaaqaataavoq, tamatumani qalerallit sapaatip akunnikkaartumik uuttortarneqartassapput, paasisallu taakkunanit Pinngortitaleriffimmut nassiunneqarlutik.



Tamatumap saniatigut Savalimmiut 2020-mi qalerallinnik 225 tonsinik, saarullinnik 350 tonsinik aamma tinguttuunik 100 tonsinik Kalaallit Nunaata kangiaata avataani pisassinneqarput. Pisassiissutit taakku kilisaatinit ningittagarsuutinilluunniit aalisarneqarsinnaapput, amerlanerpaamillu angallatit pingasukkaarlutik aalisarsinnaatitaapput.

Savalimmiunuttaaq saarullit 1.150 tonsit tinguttuullu 375 tonsit kiisalu Kalaallit Nunaata kangiani misileraalluni aalisarnermut saattuat 500 tonsit tunniunneqarput. Misileraalluni aalisarnermi misiligutinik tiguisarnissaq piumasagaataavoq, tassanngaanniillu takissusaat, suaassusaat oqimaassusiilu pillugit paasissutissat Pinngortitaleriffimmut nassiunneqassallutik.

Illuatungaanilu 2020-mut isumaqatigiissutigineqarpoq saarullernanik 6.273 tonsinik aalisarsinnaanermut kalaallit angallataasa periarfissaqarnissaannut Savalimmiut akuersaarnissaat, taakkulu Savalimmiut imartaani saarullernat pillugit NEAFC-imi isumaqatigiissut malillugu Kalaallit Nunaannut tunniunneqassasut. Ilassutitutaaq savalimmiormiunut pisassiissutit saarullernanik 13.500 tonsinik Kalaallit Nunaat tunineqarpoq, taakkulu NEAFC-imut atatillugu nunat tamalaat aamma savalimmiormiut imartaani aamma aalisarneqarsinnaassasut. Taakku saniatigut Kalaallit Nunaat ammassassuarnik atlanto-skandiskinik Savalimmiunut pisassiissutaasunit 3.200 tonsinik pissarsivoq. Annertussutsit taakku Savalimmiut aalisarnermut oqartussaaffigisaani kalaallit angallataasa aalisarsinnaassavaat, tamatumalu kingorna Savalimmiunut tulaallugit.

TAKUSSUTISSIAQ 10: 2020-MI SAVALIMMIUT EQQAANNI KALAALLIT NUNAANNUT PISASSIISSUTIT AAMMA KALAALLIT NUNAATA EQQAANI SAVALIMMIUNUT PISASSIISSUTIT (TONSINNGORLUGIT)

	Kalaallit Nunaat Savalimmiut imartaani	Savalimmiut Kalaallit Nunaata imartaani
Saarullernat (blåhvilling)	13.500	
Ammassassuit	3.200	
Qalerallit (Avannaata kitaani)		100
Qalerallit (Kangiani)		225
Saarullit (Kangiani)		1.500
Tinguttuut (Kangiani)		475
Saattuat (Kangiani misileraalluni aalisarneq)		500

7.3 NORGE

2019-imi decembarimi Kalaallit Nunaata Norgellu akornanni Aalisarnermut, Piniarnermut Nunalerinermullu Naalakkersuisoqarfik 2020-mut aalisarneq pillugu isumaqatigiissuteqarpoq. Isumaqatigiissut tunngavigineqarpoq Kalaallit Nunaata Norgellu akornanni ulloq 9. juni 1992-imi aalisarneq pillugu isumaqatigiissut, taamaalillunilu 2020-mi Norgep imartaani kalaallit aalisarnerat kiisalu Kalaallit Nunaata imartaani norskit aalisarnerat tunngavissinneqarluni. Kalaallit Nunaata Norgellu akornanni isumaqatigiissut nunanut marluusunut naleqartorujussuuvoq, tassami nunat taakku marluk aalisariutaanni ukioq naallugu suliaqarnissamut tamanna isumannaareqataammat.

Kalaallit Nunaata Norgellu akornanni isumaqatigiissummut tapiliussaq naapertorlugu 2020-mi Kujataata kitaani norskit angallataat avataasiorlutik qalerallinnik 900 tonsinik aalisarsinnaapput. Aalisarneq 64°30'N-p killingata kujataani ingerlanneqassaaq.

Kalaallit Nunaata kangiani norskit angallatai qalerallinnik 275 tonsinik, nataarnanik 30 tonsinik, suluppaakkanik natersiortunik 1.000 tonsinik, tinguttuunik 340 tonsinik kiisalu tupissutinik 100 tonsinik Kalaallit Nunaata



aningaasarsiornermut oqartussaaffigisaani avataani aalisarsinnaapput. Kalaallit Nunaata kangiani pisassiissutitut taakkununga ilaapput 150 tonsinik annertunerpaamik saniatigut pisassiissutit.

Norskit angallatai aamma Kalaallit Nunaata kangiani saarullinniarsinnaapput. ICES-imi sumiiffiliinerup 14-ip ilaani 62°30'N-p kujataani allaat aalisarneqarsinnaasunik 1.350 tonsinik saarullittaassiisoqarpoq, pineqanngilarli upernaakkut suffiffiup nalaani Kleine Banke. Aalisarnermi tamatumani sapaatip akunnikkaartumik misiligutinik tiguisarnissaq aamma piumasaqaataavoq, paasisallu taakku Pinngortitaleriffimmut nassiunneqartassasut.

Norgemut pisassiissutitut taarsiutitut Kalaallit Nunaat Barentsip Imartaani issittumi saarullinnik 4.000 tonsinik, issittumi misaqqarnanik 900 tonsinik issittumilu saarulliusaanik 450 tonsinik aalisarnissamut periarfissinneqarpoq. Norgep aningaasarsiornermut oqartussaaffigisaani pisassiissutit Svalbardip eqqaani aalisarsinnaanermut illersukkami aamma aalisarneqarsinnaapput.

Tamatuma saniatigut norskit imartaanni pingaarnertut qalerallinnik suluppaakkanillu saniatigut pisassiissutit katillugit 250 tonsit aalajangiunneqarput. Saniatigut pisanut taakkununga atatillugu pisani ataasiakkaani tamani qalerallit saniatigut pisat 12 %-t pigineqarsinnaanerat akuerisaavoq, aalisarnerullu naammassinerani 7 %-t angullugit angallammiitinneqarsinnaallutik.

TAKUSSUTISSIAQ 11: KALAALLIT NUNAANNUT NORGEP IMARTAANI AAMMA NORGEMUT KALAALLIT NUNAATA IMARTAANI 2020-IMI PISASSIISSUTIT (TONSINNGORLUGIT)

	Kalaallit Nunaannut Norgep imartaani (tonsingorlugit)	Norgemut Kalaallit Nunaata imartaani (tonsingorlugit)
Saarullit	4.000	
Misaqqarnat	900	
Saarulliusaat	450	
Saniatigut pisat (Norgemi)	250	
Qalerallit (Kitaata kujataani)		900
Qalerallit (Kangiani)		275
Nataarnat (Kangiani)		30
Suluppaakkat itisoormiut (Kangiani)		1.000
Tinguttuut (Kangiani)		340
Tupissutit (Kangiani)		100
Saniatigut pisat (Kangiani)		150
Saarullit (Kangiani)		1.350 ⁴

7.4 RUSLAND

2019-imi decembarimi Kalaallit Nunaata Ruslandillu akornanni Aalisarnermut, Piniarnermut Nunalerinermullu Naalakkersuisoqarfik 2020-mut aalisarneq pillugu isumaqatigiissuteqarpoq. Isumaqatigiissummi tunngavigineqarpoq Kalaallit Nunaata Ruslandillu akornanni ulloq 7. marts 1992-imi aalisarneq pillugu isumaqatigiissut, taamaalillunilu 2020-mi Ruslandip imartaani kalaallit aalisarnerat kiisalu Kalaallit Nunaata imartaani russit aalisarnerat tunngavissinneqarluni.

⁴ Taakkununga saarullit 100 tonsit aalisarfinni tamani saniatigut pisarineqarsinnaapput



Kalaallit Nunaata Ruslandillu akornanni isumaqatigiissut nunanut marluusunut naleqartorujussuuvoq, tassami nunat taakku marluk aalisariutaanni ukioq naallugu suliaqarnissamut tamanna isumannaareqataammat.

Kalaallit Nunaata Ruslandillu akornanni 2020-mut isumaqatigiissummut tapiliusaaq naapertorlugu, russit angallataat Kalaallit Nunaata kangiani qaleralinnik 325 tonsinik aalisarsinnaapput. Kalaallit Nunaata kangiani suluppaakkanik (*Sebastes mentellanik* aamma *Sebastes norvegusininik*) 300 tonsinik pisassiissutinik Rusland aamma tunineqarpoq. Suluppaakkanit pisassiissutinik taakkunanit Irmingerip Imartaani kalaallit oqartussaaffigisaani suluppaagaqatigiit ikerinnarsiortut aalisarneqarsinnaapput.

Aammattaq Davis-ip ikersuata Kujataata kitaani 68°00'N-p kujataani kitaani aqutsisoqarfimmi avataani qaleralinnik 1.125 tonsinik russit angallatai aalisarsinnaapput. Avannaata Imartaani 68°00'N-p avannaani Avannaata kitaani aqutsiveqarfiusumi qaleralinnik 550 tonsinik russit angallatai avataani aalisarsinnaapput.

Pisassiissutit siuliani taasat saniatigut russit ataatsimut pisaminnit aalisakkanik natersiortunik 10 % angullugu saniatigut pisaqarsinnaanerannik Rusland akuerineqarpoq.

Kalaallit Nunaata imartaani pisassiissutinut taakkununga taarsiullugit kalaallit Ruslandip imartaani saarullinnik, misaqqarnanik raajanillu pisassinneqarput. Russit imartaanni 2020-mi kalaallit angallatai saarullinnik 4.166 tonsinik aamma misaqqarnanik 430 tonsinik aalisarsinnaapput. Peqatigisaanik Kalaallit Nunaata Barentsip Imartaani 500 tonsinik raajartassani attatiinnarpai. Raajartassiissutit 2015-imi isumaqatigiissummut ilanngupput aamma taamanerilli taamatut annertutiginissaat attatiinnarneqarpoq.

Pisassiissutit siuliani taasat saniatigut aalisakkanik natersiortunik 10 % angullugu saniatigut pisaqarsinnaaneq akuerineqarpoq. Tamanna atuutissaaq kilisaammik kalereernerni tamani, aamma kalinnermi ataatsimi aalisakkanik tamani pisarineqartuni saniatigut pisat 10 %-imik qaangerneqassanngitsut, kiisalu pisat tamaasa eqqarsaatigalugit aamma saniatigut pisat tamarmiusut oqimaassusaat 10 %-imik qaangerneqassanngitsut.

TAKUSSUTISSIAQ 12: KALAALLIT NUNAANNUT RUSLANDIP IMARTAANI AAMMA RUSLANDIMUT KALAALLIT NUNAATA IMARTAANI 2020-IMI PISASSIISUTIT (TONSINNGORLUGIT)

	Kalaallit Nunaat Ruslandip imartaani	Ruslandi Kalaallit Nunaanni
Saarullit	4.166	
Misaqqarnat	430	
Raajat	500	
Saniatigut pisat (Ruslandimut)	Annertunerpaamik 10 %	
Qalerallit (Kitaata kujataani)		1.125
Qalerallit (Avannaata kitaani)		550
Saniatigut pisat (Kitaani)		Annertunerpaamik 10 %
Qalerallit (Kangiani)		325
Suluppaakkat (Kangiani)		300
Saniatigut pisat (Kangiani)		Annertunerpaamik 10 %

7.5 ISLAND

Kalaallit Nunaat aamma Island illuatungimi imartaani aamma Irmingerip imartaani ammassannik aamma suluppaakkanik aalisarnissamik periarfissaqarput. Taamatut pisassiissutinik periarfissaqarneq 'Aftalen om Gensidigt



Fiskeri i Islands og Grønlands Fiskerizoner'-mit ("Islandip aamma Kalaallit Nunaata Aalisarfigisartagaanni illugiilluni aalisarsinnaanermut Isumaqatigiissut"-mit) 8. Juli 2013-imeersumit aqunneqarpoq. Ilaatigut killiliiffigineqarluni illuatungip imartaani nammineq pisassat aalisarsinnaanerat isumaqatigiissuteqarnikkut periarfissiissutigineqarpoq. Kalaallit angallataannut pisassiissutinik periarfissaqarneq pingaartumik ukiuunerani Islandip imartaani ammassanniarnermut atorneqartarpoq.



ILANNGUSSAQ 1: AVATAASIORLUNI AALISARNEQ PILLUGU SIUNNERSUINEQ AAMMA TAC 2020

Aalisakkat	Sumiiffik	Siunnersuineq	TAC	Kalaallit angallataataa sa pisassaat
Raajat	<i>Kitaani</i>	110.000 ⁵	110.000	105.582
	<i>Kangiani/Islandimi</i>	2.000	4.750	350
Qalerallit	<i>Davisip Ikersua</i>	36.370 ⁶	8.592 ⁷	4.067
	<i>Avannaata Imartaani</i>		9.659 ⁸	9.009
	<i>Kangiani</i>	21.360 ⁹	8.031 ¹⁰	2.006
Saarullit	<i>Kalaallit Nunaata Kitaani</i>	Aalisartoqassanngilaq	0	0
	Kalaallit Nunaata Kangiani (+ NAFO 1 F)	3.409	18.824	14.024
Tupissutit	<i>Kalaallit Nutaata Kangiani</i>	Siunnersuisoqanngilaq	1.000	800
	<i>Kalaallit Nunaata Kitaani</i>	Siunnersuisoqanngilaq	1.000	900
Suluppaakkat (S. mentella)	<i>Kalaallit Nunaata Kitaani</i>	Aalisartoqassanngilaq	0	0
	<i>Irmingerip Imartaani</i>	Aalisartoqassanngilaq	1.224	0
Suluppaakkat (akuleriissillugit aalisarnermi)	<i>Kalaallit Nunaata Kangiani</i>	<i>S. mentella</i> : 914	5.271	1.971
		<i>S. norvegicus</i> : 43.568		
Nataarnat	<i>Kalaallit Nunaata Kangiani</i>	Siunnersuisoqanngilaq	1.000	970
	<i>Kalaallit Nunaata Kitaani</i>	Siunnersuisoqanngilaq	0	0
Qeeraq milalik	<i>Kalaallit Nunaata Kangiani</i>	Siunnersuisoqanngilaq	0	0
	<i>Kalaallit Nunaata Kitaani</i>	975	0	0
Qeeraaraq	<i>Kalaallit Nunaata Kangiani</i>	Aalisartoqassanngilaq	0	0
	<i>Kalaallit Nunaata Kitaani</i>	Aalisartoqassanngilaq	0	0

⁵ Kalaallit Nunaannut Canadamullu siunnersuineq ataatsimut tunniunneqartarpoq.

⁶ Avannaata Imartaanut Davisillu Ikersuanut siunnersuinerit Kalaallit Nunaannut Canadamullu tunniunneqartarput.

⁷ Canadamut isumaqatigiissut naapertorlugu Kalaallit Nunaata pisassiissutinit pigisai 50 %-iupput.

⁸ Canadamut isumaqatigiissut naapertorlugu Kalaallit Nunaata pisassiissutinit pigisai 50 %-iupput.

⁹ Siunnersuineq ataatsimiut Kalaallit Nunaannut, Islandimut Savalimmiunullu ataatsimut tunniunneqartarpoq.

¹⁰ Islandimut Savalimmiunullu isumaqatigiissut naapertorlugu Kalaallit Nunaata pisassiissutinit pigisai 37,60 %-iupput.



Ammassat	<i>Kalaallit Nunaata Kangiani</i>	Aalisartoqassanngilaq	0	0
	<i>Kalaallit Nunaata Kitaani</i>	Siunnersuisoqanngilaq	0	0
Saarullernat (blåhvilling)	<i>Nunat tamalaat imartaanni</i>	1.161.615 ¹¹	6.273	6.273
Norskit ammassassui upernaakkut suffisartut (atlanto-skandisk)	<i>Kalaallit Nunaata Kangiani - Atlantikup avannaa tamakkerlugu siunnersuineq</i>	525.594	25.000	25.000
Avaleraasartuut	<i>Kalaallit Nunaata Kangiani (+ NEAFC) - Atlantikup avannaa tamakkerlugu siunnersuineq</i>	922.064	59.934	59.934
Tinguttuut	<i>Kalaallit Nunaata Kangiani</i>	3.856	1.500	685
Egalugaq (polartorsk)	<i>Kalaallit Nunaata Kitaani</i>	Siunnersuisoqanngilaq	5.000	5.000
Egalugaasat (istorsk)	<i>Kalaallit Nunaata Kitaani</i>	Siunnersuisoqanngilaq	2.000	2.000

¹¹ Naalagaaffiit Sinerialinniit NEAFC-p sumiiffimmi aqqissugaanit Savalimmiullu imartaata immikkoortortaanit Kalaallit Nunaat 0,54 %-inik tunineqartarpoq.



ILANNGUSSAQ 2: Sinerissap qanittuani aalisarneq pillugu siunnersuineq aamma TAC 2020

Aalisakkat	Sumiiffik	Siunnersuineq	TAC
Qalerallit	<i>Qeqertarsuup Tunuani</i>	5.120	8.180
	<i>Uummannaq</i>	5.800	9.500
	<i>Upernavik</i>	5.330	8.457
	<i>Kalaallit Nunaata sinnerani</i>	Siunnersuisoqanngilaq	Killeqanngitsumik aalisarneq
Saarullit	<i>Kitaani</i>	5.537	29.800 ¹²
Saattuut	<i>Upernavik</i>	Sinerissap qanittuani: Siunnersuisoqanngilaq Avataasiornermi: Siunnersuisoqanngilaq	400
	<i>Qeqertarsuup Tunuani</i>	Sinerissap qanittuani: 400 Avataasiornermi: Siunnersuisoqanngilaq	525
	<i>Sisimiut</i>	Sinerissap qanittuani: 300 Avataasiornermi: Aalisartoqassanngilaq	500 ¹³
	<i>Maniitsoq</i>	Sinerissap qanittuani: Siunnersuisoqanngilaq Avataasiornermi: Siunnersuisoqanngilaq	225
	<i>Nuuk-Paamiut</i>	Sinerissap qanittuani: 200 Avataasiornermi: 1.000	1.200
	<i>Narsaq - Nunap Isua</i>	Sinerissap qanittuani: Siunnersuisoqanngilaq Avataasiornermi: Siunnersuisoqanngilaq	225
Uiluut	<i>Kalaallit Nunaata Kitaani</i>	Siunnersuisoqanngilaq	2.520
Kapisillit	<i>Kalaallit Nunaata Kitaani</i>	Aalisartoqassanngilaq	20,7
Nipisat	<i>Kalaallit Nunaata Kitaani</i>	Siunnersuisoqanngilaq	1.362

¹² Sunngiffimmi aalisartut tulaassinnaasaat 1.500 tonsit ilanngullugit

¹³ Pisassiissut taanna taamaallaat titarnerusap killinganiit 3 sømilillu killingani aalisarneqarsinnaavoq.


ILANNGUSSAQ 3: 2020-MI NUNAT TAMALAAAT AALISARNERAT PILLUGU TAKUSSUTISSIAQ

Naalagaaffik	Sumiiffik	Pisassiissutit (tonsit)	Aalisakkat
EU	<i>Kalaallit Nunaata</i> Kitaani	2.500	Qalerallit
		2.800	Raajat
		100	Tupissutit
	<i>Kalaallit Nunaata</i> Kangiani	1.950	Saarulliit
		1.224	Suluppaakkat (natermiut)
		2.000	Suluppaakkat (ikerinniarsiortut)
5.200		Qalerallit	
4.400		Raajat	
100	Tupissutit		
Rusland	<i>Kalaallit Nunaata</i> Kitaani	1.675	Qalerallit
	<i>Kalaallit Nunaata</i> Kangiani	300	Suluppaakkat (natermiut)
Norge	<i>Kalaallit Nunaata</i> Kitaani	325	Qalerallit
		900	Qalerallit
	<i>Kalaallit Nunaata</i> Kangiani	275	Qalerallit
		30	Nataarnat
		1.000	Suluppaakkat (natermiut)
		340	Tinguttuut
100	Tupissutit		
1.350	Saarulliit		
Savalimmiut	<i>Kalaallit Nunaata</i> Kitaani	100	Qalerallit
	<i>Kalaallit Nunaata</i> Kangiani	225	Qalerallit
		1.500	Saarulliit
475	Tinguttuut		
Kalaallit Nunaat	Ruslandip imartaani	4.166	Saarulliit
		430	Misaqqarnat
		500	Raajat
	Norgep imartaani Svalbardi ilanngullugu	4.000	Saarulliit
		900	Misaqqarnat
		450	Saarulliusaat
	Savalimmiut imartaanni	3.200	Ammassassuit
		13.500	Saarullernat